




通州直隸州志
 卷首
 疆域志
 一冊

ル 5
 1568
 1



ル805
1.568
1.66



光緒通州志

光緒通州志





通州直隸州志序
 通州志失修垂百二十年同治
 間梁君心曙莫君善徵相繼牧
 茲土延知名士纂輯校讎始戊
 辰迄甲戌凡七年志成予適奉
 命視學江蘇按通州莫君心序

大清宣統元年

謁予初江蘇議輯通志大吏飭
所屬修郡邑志為之權輿各郡
邑往以費絀遷延而通州獨
先嚴事吁其難矣予惟人心風
俗之厚薄始於鄉邑終乃極
之天下天下有事沃土教民之

所聚受禍常酷而人心風俗之
敦樸好義者常有以自全於
危亡患難之中嗚呼是豈偶然
也哉通州故澤國引源醴渠沃
壤畝數鍾其地南通閩粵北
接齊魯商賈輻輳魚鹽玉利

木棉衣布之產甲諸郡而俗顧厚以樸都人士多積學植品無齷齪態曩者粵逆蹂躪南服自揚而蘇而常先後陷於賊而通州獨晏然不罹鋒鏑其所以恃以自全耶抑

遊可恃而常無恙耶重瀛陽絕數萬里挾其奇巧之技肆其怪誕不經之說以煽惑我民以網我市利以窺伺我疆土何日無之曩者之所以自全可恃耶抑未可恃耶乘未敵之人

心風俗培養之厚厲之正學感
邪說者不得作君子愛生禮
小人寶其土物奇技淫巧不
得至於前稽物產之興耗休養
生息以裕糧精度形勢之險
要訓練規畫以儆戒不虞雖

百年無恙可也今府修志疆
域增風氣一軍政區水陸
為三水師尤詳乎言其六識
時務之宜而憂深思遠者矣
通州轄邑如皋胡安定先生
講學故里也范文正公祠宇富

鄭公屯兵慶興岳武穆所鎮
 日泰興古柴墟鎮今猶有存
 焉者乎觀其名慕之實使人
 心感動油然而不能自已者善教
 也能吏類以微績程會為功而
 二君舉事獨墨之外彰往

詔來可不謂賢哉予既重莫
 君之法而茲役職分慕為顧
 孝廉昆仲孝廉於余為通
 家素淵雅是書類事膽具
 體例不戾於古無待予言言
 其大者弁於冊是固使者采

風洞俗區，期望之微意也。

賜進士出身

日講起居注官

弘德殿行走江蘇督學使者

長樂林天齡序



重修通州志序

光緒紀元夏四月亭奉檄攝宰滬

邑，為五方薈集之地而崇川一江

遙隔郡人士之僑於滬者尤夥每

與晤言間稱其鄉輯志乘閱八年

始成既成矣以艱於費不果行時

閩之為有所動於中而不覺也今
夏調權是郡甫下車郡士大夫
即以州志刷印為請噫是天假之
緣耶抑亦人事之適相會合耶歟
崇川星分斗野城界揚州值江海
之支匯為淮徐之門戶狼軍五山

屹然雄峙是地擅其勝也況夫碩
德宏儒代有傳人其仕於朝者經
文緯武焜耀閭里其潛於野者枕
經藉史著作等身以及高人逸士
節婦義夫載諸簡冊者皆足動
人景仰之思至若魚鹽之利木棉

之數甲於他郡市者願藏於市
農者願耕於野肥樸相安歸稱
易治更可羨者粵寇之變東南
才望盡皆蹂躪而崇川一郡暨
泰如兩邑獨完善無恙又復徵防
練饗仗義疎財無干戈之擾無離

散之驚而名邑之遷避於是邦者比
鄰相按復覩昇平何天之獨厚於
是郡特於烽火瘡痍之中留此一
綫之生機也今閱是書後建置
則無殘缺不完之宇也後田賦則無
荒蕪不墾之田也故茲邦祚樂土而

是書亦遂為完書。成於前守獨
山莫君實經始於合肥梁君摠
其事者為季京卿君梅沈觀
察笠湖分纂者顧廣文綺嵐顧孝
廬晴谷皆是邦所矜式者鏤板
甫就適亭承乏斯土為之開印成

書以廣傳播是真天佐之緣耶抑
果人事之適相會合耶郡士大夫
竝囑弁數序於其首亭不敏曷敢
與聞斯役重以賢士大夫之請聊
記顛末以志欽羨之多云光緒二
年歲在丙子律中黃鐘之月知

乎余曰語云糜費萬貫止飾一車誠不知其然也然斯後也非守土者之任而誰任之新唐書修十七年而稱完善元史修一年而多廢率遲者亦咎也何幸從百餘年後網

羅散佚至今日而垂成坐令井廢九仞山虧一篑於心安乎乃敦趣乎民益以醵金凡十有三月而工竣斯書也證之前志缺者補之謬者正之俚俗者文之繁縟者節之凡夫忠臣孝

通川直隸州志 卷之二 雜錄
子義夫貞婦如見如聞可歌可
泣及一切沿革興廢盛衰得失
之由較往昔加詳焉余尤有感
者清平孫淮海先生為吾黔
理學名臣其先本如皋之燕
莊人以故郡邑志皆有傳先

生振興黔學功最鉅數百年
未黔之學者無不俎豆于余蒞
黔土而鄉先賢之前代里居
坊表近在咫尺用統之焉更切
於式之思矣書既成邦之人士
咸拚手而言曰明黃溥修江陰

志將成而溥玄塵封卷帙北幾
二十年符上黨王泮至而後鏗
其板以行今前王梁侯誰與
謀始後王君侯誰與圍終余聞
之祇益惶愧余之歲斯役也不
過偕在事諸君子畢梁侯未

亮之志耳若云有功則吾豈
敢光緒元年歲在乙亥季冬
之月獨山莫祥芝序



通志直隸州志

重修通州志序

重修通州志序

事有至繁且難而不害已者
又有衆人所視為無足重輕而
不究玩忽置之者一郡一邑之間
簿書錢穀人皆知為急務矣至
於維持風化培養人才撫卹民

通州直隸州志 卷之二
生籌興地利有識者知其較薄
書錢穀而更重矣顧此數事者必
就其已然之迹而明證之因其自
然之勢而順導之欲有以昭法戒
備興觀究利弊竊以為當先於
志書求之乃郡邑志書往往因循

失修或遲至數十年之久往迹就
湮采輯愈難不知者忽焉知之者
畏焉文獻無徵遂使古之時可為
借鑑之事後人皆茫然焉豈不惜
哉通州志書之修自乾隆癸酉迄
今百二十餘年矣其間事蹟傳聞

通州直隸州志
卷之二
異辭湮沒不彰者殆未可勝數乙
丑歲悅馨承乏是邦意欲重纂丁
卯春謁侯相曾文正公言其事且言
擬請季京卿君棣沈觀察笠湖兩
君總其成公以為然季沈兩先生
學識皆公所素重也適大憲公

通飭郡縣候志商之紳耆咸踴
躍樂從爰請兩總纂并延碩廣
文綺嵐碩孝廉晴水諸君分纂
分校悅馨時過館中與諸君商
訂大畧戊辰秋悅馨以葬親乞假
辛未冬始回任癸酉春以稿奉付

手民業已過半而悅馨又以俸滿奉部調取北上署任莫公善徵亦重斯舉遂特成之同纂諸君以百餘年來記載缺如網羅散失采訪匪易又舊志須訂正者甚多不肯草率成書取舊志所載刪

其繁正其訛補其缺又益以百二十餘年之事蹟文增於舊者僅五之一而事幾倍之事核文直綱舉目張其於風化人才民生地利所關莫不詳慎言之覽之者殆可以覩指知歸矣光緒乙亥冬

前知通州事合肥梁悅馨序



重修通州志序

咸豐之末念詒奉先大夫養疴
崇川時南陸弗靖今相國李肅毅
伯以江北團務相屬州使君合肥
梁侯又延念詒主講紫琅艾蘭甫
撤抗顏為師蓋於茲邦煖寄公之

通州直隸州志
卷之二
席者十四五寒暑矣歲戊辰梁侯
有志於經世之學閱架閣所及舊
郡乘舛午特甚且乘後事未及紀
者百十有餘年迺設官局聘名士
將更張之謂念詒固史氏也俾與
通人士泚筆其間昔吾鄉錢梅溪

泳嘗言志有二難非邑人則見聞
不親採訪不確以邑人志邑事則
又親戚依倚好惡紛沓所謂沒其
所有則不備飾其所未有則不實
也念詒久與通人處往來狎習宛
然土著矣幸無姻故牽連依違瞻

通州直隸州志 卷之二
循以屈吾楮墨者於斯二弊庶幾
其免乎顧梅溪之言又曰凡重修
郡國志乘無論文章鉅公縉紳三
老不可涉手以其易生叢謗也若
然則將因仍如故乎抑廢者不舉
墜者不修以任其湮沒乎夫志徵

信於異日非取悅於一時吾志吾
事而已又何所顧忌耶獨念開館
未久念詒仍還虞山八年之中勵
間歲一至焉諸君子虛衷延訪每
一藁成輒寄念詒商榷之無不與
念詒之意相脗合者梁侯去二年

復來藁已垂成閱之大稱善亟命
付雕知是書亦無不與梁侯之意
合者未幾梁侯秩滿去任獨山善
徵莫侯甫下車州人以是書呈侯
侯閱之大稱善趣匠氏剋期藏功
知是書又無不與莫侯之意合者

念詒誠不文無似不足以知典要
而二侯則皆通達治體者也由是
以推傳之來葉其必有諒苦衷而
再三首肯者已是書也成竊願與
知我者讀之光緒紀元嘉平之吉
暨陽季念詒序



通志直隸州志
卷之五
五
不佞雖少居窮鄉壯歲宦游四方游二十年始歸而與郡人士職干掇之後息影城北招提暇輒借二三英請捉麈清談此燕芳中語死危存即環說耳矣

叙

不佞雖少居窮鄉壯歲宦游四方游二十年始歸而與郡人士職干掇之後息影城北招提暇輒借二三英請捉麈清談此燕芳中語死危存即環說耳矣

通州直隸州志
卷之三
常於立言之不朽哉歲乙亥
冬築新邦法成不侮如而思
繼竊自辛益自負重自惡也
是書也發凡起例於戊辰之
春邦大夫合肥梁使君不以
不侮為不久謬舉茲事相

屬越今以年作報者屬矣何
圖今日而日報命於賢使君
也夫架閣古書乾隆時毀奉
也今甲子再圖矣道光中葉
李先主琪碩先生鴻汪先生
葉楊先生廷揆重修輯之葉

將才弓騎乾者報息以止其
時巨人長德焜耀邦國後先
相望於高一呼咸應後一諸
廢墜皆舉而若事關如夫豈
力弓不速所抑農過府然之
地方存之不暇而顧涉艱冒

將以取咎即且通之志凡十
修矣書成之日能為如人素
手其尤甚者丁平谷鉄墜危
公子國祿之書詳而攻之或
出自前其者而古丁危皆曠
代史才而不滿衆口是是非

其下者乎即乾隆時謗言盈
廷身多浮江南游以不與
彼為卒者甚矣其難也不何
何人甘冒不韙而惜於重
者即重以賢使君之託不忽
後百有二十年之事焉

莽中又尔忍使百有二十年
以所之事沿詔裝涉不一是
正之風夜祇想翹肩大任編
纂未久而果君去館中糗
糒筆札之需又尔時給物際
矣果君再來教道而拊勉之

為工開鑿手民數十人日索
篋中藁以付之鈔晉或少尚
別錄者舍業以務踵門叩弓
其如是者二年始成矣梁君
又去今獨山等使君毅於願
趾其繼至教也較前加嚴焉

甫期年而是書成不佞所以
始而懼繼而竊自平也百二十
年他人所不敢為不肯為及
為之而不終厥事者常吾世
而遂用弓成不佞所以又自負
也願自通籍後浮沈即署僕

僕河干迨橐筆從戎又以山
野疏曠之性不耐羈紲翩然
還山視莊髮蒼於楮墨之事
吾能為後痛廢劇門養病年
從諸君子後拾遺補闕蔚為
完卷亦前志王就門可謂因

人成事者也既自負又自惡也
光緒紀元律中大呂三月
郡人沈維序



通州直隸州志

纂修姓氏

主修

補用府通州直隸州知州梁悅馨

升用直隸州江甯縣知縣署通州直隸州知州莫祥芝

總纂

四品卿銜翰林院編修季念詒

鹽運使銜卽選道前山東兗州府運河同知沈鏗

總校

同知銜前奉天復州知州王廷楨

前直隸文安縣知縣王榮清

通州直隸州志

纂修生天

通州直隸州志
纂修姓氏
主修
補用府通州直隸州知州梁悅馨
升用直隸州江甯縣知縣署通州直隸州知州莫祥芝
總纂
四品卿銜翰林院編修季念詒
鹽運使銜卽選道前山東兗州府運河同知沈鏗
總校
同知銜前奉天復州知州王廷楨
前直隸文安縣知縣王榮清

員外郎 銜候選 主事 王著
道銜候選 鹽運使司運同 徐澣

分纂

四品誥職同知銜前署溧水縣訓導 孫廷珪

同知銜知州用候選通判 施猷
五品銜候選內閣中書 陳煊

內閣中書銜候選訓導 保召棠
舉 人黃文田

同知銜安徽當塗縣知縣 張攀桂
五品銜升用內閣中書前高涇縣教諭 顧曾煥
舉 人顧曾烜

分校

運同銜前署邳州學正 徐宗祥

內閣中書銜候選訓導 姚恩會
五品銜試用訓導 孫錫恩

運同銜揀選知縣 孫紹瑜
舉 人陸筠

四品銜議叙內閣中書試用訓導 陸惟馨

五品銜候選訓導 錢希葛
光祿寺署正銜廩生 錢鼎黎

光祿寺署正銜廩生 黃文煥
太常寺典簿銜候選訓導 邵廷椿

通州直隸州志 卷之五 職官 五

採訪

附貢 生單 鑿

歲貢 生白 煥章

六品銜 前安 徽天長縣教 諭王文炳

運同銜 候選 通判陳徵受

運同銜 候選 同知蔣來恩

候選 同知沈 鑽

候選 訓導沈佩文

候選 布政司 經歷徐兆鴻

歲貢 生葉端本

廩 生蔡熙人

候選道 前安 徽太平府知 府吳開陽

浙江 候補 知府嚴景雲

試用 知縣張如傑

試用 訓導馬錦繁

浙江 候補 府經歷朱 柏

生員 馮惟馨

候選 知縣錢 青

試用 訓導丁元偉

候選 縣丞夏辛庚

州同銜 候選 巡檢沈沐曾

候選 從九李煥文

提調

五品銜通州學正仝紹鉉

同知銜通州訓導高謝

五品銜通州學正李毓芬

五品銜通州訓導王亮工

收掌

提舉銜運判用浙江試用鹽運使司經歷劉際春

繪圖

守備銜狼山中營候補千總沈步高

通州直隸州志

志原

宋通州志十卷孫昭先修

明成祖永樂十六年通州志一卷知州嚴敷大修

代宗景泰五年通州志一卷知州孫徽修

孝宗宏治四年通州志二卷儒學訓導施紀修

世宗嘉靖九年通州志六卷知州鍾汪修莆田林穎郡

人顧磐同纂

三十三年通州志四卷兩淮巡鹽御史黃國用揚州府

知府吳桂芳修郡人丁鈇纂

鈇敘鈇之回於平谷也承侍御黃公之命重修州志深

愧不才無以副其明命夙夜祇懼惟恐考究弗精褒貶弗當以貽士君子之嗤困橫於思慮至矣而未嘗敢屬筆也然受命明公以興墜典甯遂已乎於是父子竭力勉成斯志借書以資考索訪老以質見聞每成一傳博問廣詢必公必實而後載之有此是彼非者數改定焉務合輿論未嘗敢肆已見而妄書也事當新載者如無田養馬無田屯種及海門縣治遷而近通通之里甲撥而附彼則徭可均而政可平也折賣官鹽於產鹽之地議申一得之愚修建牖阜於江海之濱論備一時之變宦蹟之美刺爲民非爲官也人才之揚厲光前而啟後也風俗合於人物虛譽云乎哉文翰關於政教虛辭云

乎哉邇來又經倭寇之變邑里蕭條人民塗炭無復昔時之光景寬恤之恩扶翊之德有人心者宜少加之意矣斯志不可以無修而此亦不容無述也或曰君子居是邦不非其大夫子之敘職官也得無是過與夫所謂大夫者在位用事之臣也有所指斥者誰其敢如孔子之於陽貨踵門而拜之巽辭以對之不宜拒也至修春秋則書之曰盜各有攸當耳近日端溪王公志開州非唯直敘宦蹟雖鄉人亦加刺焉則又名公巨卿之直筆也鈇安能學之或曰善者褒之彼固悅矣墨者聞子之刺恐後人之將及已也得無介意乎孔子曰不如鄉人之善者好之其不善者惡之吾惡能使斯人之無惡乎

得賢者無惡焉幸矣苟墨者知惡刺也則不爲墨矣而民亦有賴矣斯志成通人將改觀焉知我罪我當自有至公之道矣志於經世者尙有感於斯文

三十八年通州志八卷知州喻南岳李汝杜修郡人錢峰江一山凌梓姚遜王勣同纂

汝杜敘郡志甫成輯志生江一山輩以敘言謁余余惟鄉達大司徒石渚馬公聲之於前大方伯梧岡陳公振之於後始終之理備矣余復何言而諸生猶請之不置思惟是志雖前守洪江喻公開館聘士經始作謀無何會有內召爲駕部郎遂弗克就丁巳秋余適承乏備員茲土維一方文獻是圖以觀風考治而驗氣運者咸備

焉挽回而釐正之或者師益在茲矣遂力主成之己未夏始獲成藁見其事核而詞直嘉善而容過持是觀風而清濤見矣考治而得失昭矣以驗氣運而盛衰之由可稽矣誠足以信今而傳後者也第志中所紀昔人謂仕宦樂土地僻事簡民純俗美最爲易治而今有大不然者豈可盡委之於氣數哉抑亦人事有未至耳承平既久武備廢弛甲寅倭寇猝至遠邇望風奔潰屠戮焚劫之慘有不忍言者數年以來加以水旱相仍賦役重併師旅蝟興供億浩繁民未有息肩期其困憊至此極矣而有司志在簿程所以撫綏而保養之者恐未必其盡道也民之崇狙詐而好健訟日相趨於偷薄有由然

通志卷之三
三
矣矧重兵聚於斯而糧餉時或告乏不測之虞近在肘腋安內攘外之術經國者意必有遠猷也於戲豈惟守土之憂哉此意雖已載之卷中余猶慮其未至也故於終焉申之相期以其濟則斯志之輯不爲無補云
郡人馬坤敘郡邑之有志尙矣所以周地域之廣輪攷古今之沿革稽物產之登耗察政教之良窳驗人才風俗之盛衰疏其事備其制彰法而嚴於文雖廣狹繁簡不能盡同而所以爲國之故者一也是故君子務焉吾通之志業修於嘉靖庚寅閱二十餘禩矣舛譌闕略弗核弗公將無以詒來而垂諸遠也侍御黃公國用奉命督漕於兩淮雅崇文教倡議修輯維時吾揚郡侯吳公

桂芳力贊成之遂申命行屬慎簡博洽之士司其事迺得江生一山凌生梓張生梓姚生遜王生勣俾之開局立程博采羣編旁搜賾記凡區域建置之制食貨禮俗之宜秩官人物雜志之跡罔不條分類聚而以藝文終焉譌者正之闕者益之新者續之更一寒暑而志成踰歲諸士以試事走白下間持其稿就質於予因懇請屬筆敘之顧部事填委久未應命適今考績北上舟中乘暇展卷而諦觀之見其事核而不浮於文其論公而不近於諛信一郡之良乘也予何能贊一辭然坤通產也維二公實肆大惠於通俾小子亦得竊名於末誼曷能無言耶在昔仲尼嘗欲說夏殷之禮而每歎文獻之無

足徵孟軻氏陳王政干時君而深憾於諸侯之去其籍
聖賢之用世亦奚必屑屑於其故哉蓋自聖王之開天
創物以逮君子之輔世長民莫不竭其精神志慮以爲
宜民之具其待來世也甚詳使繼之者求其心因其法
隨時而變通之固足以適於治語曰前事之不忘後事
之師也通雖濱海隅寔隸畿輔今明興垂二百年山海
萃靈人文毓秀益炳耀於前烈其中有民人有社稷官
師之守政教之施禮樂才賢之敘江海險夷之防不啻
備矣自茲修之彰美而宣隱昭往而詔來庸詎知生於
斯者宦於斯者采風問俗之蒞於斯者不有所觀感而
興起乎蓋籍存則可稽文獻足則可信信則遺矩明鑒

可以垂訓而示之遠二公之用心以待來者通之人何
其幸歟志凡十卷而屬邑海門弗附焉夫既別志之矣
是舉也先事經費則州守喻君南岳訖事程督繼之者
李君汝杜皆政教兼舉者法得并書

神宗萬曆五年通州志八卷知州林雲程修鄞縣沈明
臣郡人顧養謙陳大科朱當世宋堯化盧純學同纂
刑部尙書王世貞敘古益部有通州而幽揚部無通州
自揚部之通州出與幽部之通南北對峙而兩而益部
之通廢揚部之通其始僅一鹽官地稍稍進爲州復降
爲邑至元而始定屬揚部以逮我明二百年來魚鹽之
利衣食江南北而其設險置兵控扼吳楚屹然一重鎮

通志卷之八
矣地靈啟而人傑輩出冠帶履舄之盛蓋殷殷焉通故
領邑二曰海門曰崇明崇明越在海中央以故通失之
而改隸吾蘇之太倉獨海門隸通如故自宋孫昭先之
爲通志十卷明通守嚴敦大孫徽等後先凡六修其卷
自一以至六其書或存或不存而海門之爲志則前尹
璽而後崔桐亦不能與通志合萬厯之三年閩中林君
雲程自南刑曹郎出守通凡三載政修人和乃以其間
攷古圖籍作而歎曰志其可以已也夫謂顧君養謙陳
君大科其州人可取證也得無有所避乎謂沈子明臣
史材也而遠無避也於是聘沈而屬之以顧陳輔焉僅
及歲而志成爲卷八卷之爲圖者一表者二志者二十

六傳者十二遺事者一謂世貞嗜於文以書介沈而請
敘焉覽之燦如也乃又秩如也已竊謂今志猶古史也
古者千乘之國與附庸之邦皆有史官以掌記時事第
不過君卿大夫言動之一端而所謂山川土田民物風
俗兵防之類意別有圖籍以主之志則無所不備錄矣
是故古史之失在略而今志之得在詳然史之大綱在
不虛媿不隱惡以故世子之隆崇卿相之威靈而執簡
者侃然而擬其後今州邑之薦紳將舉筆而其人非邦
君卽先故蓋有所不得不避矣是故古史之得在直而
今志之失在諛也沈子之爲通志毋論其哲體裁挈綱
目博采精辨文辭瑰麗而已乃至官邪風慝凜乎霜鉞

通州直隸州志 卷之六
之加有餘畏焉夫何下太史公傳酷吏佞倖哉是志也
豈惟在通以俟他郡國有餘裁也以俟一代有餘采也
故因林君之請而爲之敘

國朝康熙十一年通州志二十四卷知州王宜亨修郡人
范國祿纂

十三年通州志十五卷宜亨重修郡人王倣通王兆陞
孫魁宗李遴同纂

宜亨敘夫朝廷之所以經畫天下使天下之形勢風俗
無不洞矚如指掌者以見統一之無外也歲在壬子

上諭纂修通志江南十百郡邑所在奉

命不敢後余適承乏崇川究圖詳慎已略欵具報矣但在通志

則挈其綱而在一郡必晰其制此守土者之所有事也
於是進鄉先生以暨士民之衆共計焉崇川建邑海陬
滄桑浸異海門縣治竟洋洋爲波臣而東矣今始歸併
通州考州志自前代丁丑以來百有餘年其間吏治之
得失賦役之重輕風尚之漓漓人物之臧否以至災祥
之有無文章之聚散不一其規卽如外廐之驛馬牧廠
不干里遞運河之衝決復濬以通商農此其大概也至
於興利除害因革迭舉不可枚數守土者有不夙夜惟
謹以期克殫厥職者乎事出一時志垂千秋體各憲恤
民之誠卽以答

朝廷委用之意

文明御極率士皆臣彙輯成書恭備

睿鑒庶幾稽古閱今端委悉照可以知五瓊之形勢如何變遷

五瓊之風俗如何更易不敢以一邑之缺略少致罔上之愆所謂洞矚如指掌而大統一之模者政不出此也余秦人也樸魯不文聊陳質言以冠之幸不以文辭見哂於人余正不樂以文辭自見也

儆通敘吾通一澤國也由揚郡而東地勢漸下多斥鹵西南阻江東北背海大利大害存焉州之人莫不欲惟利務興惟害務除而卒阻於時隔於勢有心者惻然憂之今州大夫王侯宜亭奉

命修志慎簡至再以一函及予意以馬齒加長爲今日之文獻

乎予以不文辭或者曰子爲志所謂大利大害者不能見諸行事庶幾見諸言以冀當事之採擇可耳夫何辭之有予曰唯唯否否予聞之州乘史之流也史爲一代之志志卽一郡之史昔史遷南游江淮上會稽探禹穴浮闡九疑湘沅北涉汶泗講業齊魯鄉射鄒嶧困鄆薛彭城過梁楚以歸然後作史乃不敢自有其事曰子所謂述故事整齊其世傳非所謂作也夫以太史公上承先人天官論著之業博通乎書易春秋禮樂風詩之旨轍跡遍天下而猶不敢自居作者子敢言志乎哉雖然通之志不始於今日也自前明及今凡幾修雖丁鈇甲寅以前渺不可得而已未丁丑兩志具在子不過因而

修之爾然修亦未易言也通之大利大害江海爲甚予志江之利吾通而害未始不由於江吾志海之害吾通而利未始不出於海或數十年而一變或數百年而一變地促民貧非復曩日事之宜於古者不宜於今制之輕於前者或重於後是非好惡一郡之實錄係焉一王之令甲昭焉予修之予烏乎修之爲言揀也仍其得必救其失修之爲言補也百年以前之事志爲政百年以內之事予爲政志其利採於衆無偏私也志其害謀於野非臆說也參酌乎古與今之間而權衡於輕與重之際予惟藉州大夫之庸與二三同人之力甯簡母煩甯刻毋濫以告厥成所謂因人成事者也豈惟予

不佞卽二三同人亦因人成事者也予辱王侯之命而修之再辱王侯之命而序之職此故爾若以爲今日之文獻則予豈敢

兆陞敘古者擇人道王志事以告邦國小史則掌邦國之志以獻於王而土訓詔地事辨地物詔地求誦訓則道方志道方慝王巡守則夾王車而又歲遣小行人以周行天下輯成五物之書凡萬民利害禮俗政教刑禁之逆順作慝犯科凶荒厄貧康樂和親安平之故皆報於王是以至尊高居黃屋而周知四海九州之外唐宣宗命韋澳撰次州縣境土風物勒成一書號曰處分語頗倣此意然以此示聰察於臣下於體未宏有明永樂

十六年詔纂天下郡縣志景泰六年又詔修寰宇通志
載之史書蔚爲盛事

上御極之十一年

命各郡國編成通志以大一統垂萬世檄下
崇川郡侯王公敦請先達彥士同修邑志而命不佞兆
陞亦得執簡其間自顧學疎材短重以吧上餘息何敢
染翰以從乃固辭不得勉從諸子後分曹課業刻期而
志成旣而喟然曰吾通之志至此凡八修矣前志之修
始於永樂之戊戌終於萬曆之丁丑至於今年更百載
事閱兩朝法制則世重而世輕文獻則若滅而若沒夫
子有曰立定哀以指隱桓如聽遠音焉則今日而揚扃
當年耳目旣有未周搜討又苦未備物勝權殆事繁照

窮能建置模倣三秦川原斟酌九域乎能者舊本諸襄
陽士女準諸梁益乎能親數石鷁於晉宋目察眉足於
堯夔乎能直筆無慚南史月旦不愧汝南乎無卮辭無
勦藻其功也禾稗兼收繁蕪未翦其過也若辭過而居
功其何敢雖然恭敬不忘桑梓報國思惟文章志區域
而紀山水之清華表巖疆之翼翼登眺者其有聞鐘聞
磬之思歟志建置而生長嬉遊某署某校某里某邱穆
然思我先疇舊德也而乃經制有志蔚綱紀也賦役有
志陳疾苦也表秩官其蘇我困甿歟表選舉其蒸茲德
造歟或稱通爲淮南道院或稱通爲仕宦樂土今稍凌
替衰薄矣志風物者其有憂患耶庇吾民者民歌之峴

山有石甘棠有樹也仇吾民者防口實難畏彼衆而我寡其志宦蹟之旨耶次人物國之紀也次列女女有士行邑之光也次藝文海山之萃靈而布秀也國之華也采善音弋一得不可以不備故以雜紀終焉爲卷凡十有五爲綱凡十有二爲目凡七十有九提衡有發端總述有論斷若云事該體範文約旨遠未知果有當於先民而獨念悠悠我里亦孔之痲於焉稽閭閻之登耗察徭役之繁簡述政教之得失考土俗之貞淫一篇之中三致意焉則綴集之苦衷可共信也他日獻之

當亡謂通雖福壤實係東南形勝之區

天子惻然動容嘉意於輕徭省歛錄孝旌廉則是志也猶然小

行人輶軒采輯之遺與後之人載筆而趾其繼必將有補偏剌謬美善詳明者然卽此而考鏡源流匪云具體亦兢兢千秋得失之林也

乾隆十九年通州直隸州志二十二卷知州王繼祖修高郵夏之蓉郡人王原陳瑞海門丁有煜泰興臧詒仕如皋范景頤冒春榮同纂

繼祖敘通郡之志自康熙甲寅重修後迄今八十餘年其間政事沿革民風轉移物力登耗缺佚者未可殫述倘不及時綴拾詮次成書則更歷年所傳聞異辭其殘闕舛譌將有不可知者況自

國朝雍正二年以州郡爲直隸統轄泰如二邑則義例攸

關尤宜詳備此舊志之所宜亟修也庚午歲予奉簡命來蒞茲土卽有志於編纂之役每簿書稍暇接郡之紳士耆民凡有關於掌故者罔弗留心諮訪哀集所聞深懼郡志之久湮文獻之將替也爰于癸酉夏上其事於督撫暨藩臬諸大憲皆得請迺檄行各屬於舊志刊本外旁搜廣采繕本呈送甲戌四月開館於紫琅書院延高郵夏太史醴谷總其事本郡暨泰如諸生襄其成司訓呂君霽齋協修之自夏徂冬九閱月而竣計爲門十有八爲卷二十有二凡疆域沿革錢穀兵農師儒禮樂風俗物產以及節義之昭彰人文之彬蔚悉據舊志所載闕者補之譌者正之略者詳之繁者節之其昔無而今

有者則詳審而增益之舉八十年來未備之事皆得綜其大綱貫其條目循端竟委睹旨知歸蓋亦稽索靡遺矣昔人云修史之難無出於志亦謂其事核其文直足以存法戒備興觀是爲難耳予自開局後數過館中與同纂諸子商榷去取釐正缺悞不以私廢公不以疑飾信務使據實筆削言不過則雖未敢謂事核文直上追古史之遺而微顯闡幽矢公矢慎或不至如劉舍人所譏述遠則矯誣紀近則回邪者也後之蒞是邦者披圖覽籍按名實而攷異同將政教於此出焉風化于此成焉綏靖一方以佐

聖天子文明之治則斯志之作亦未始無小補云

通志卷之三
之蓉敘志者識也識大識小述往事所以詔方來也甯
謹毋濫甯質毋華二者居志之大端矣三韓王公敬亭
奉

天子簡任司牧崇川革弊興利百廢具舉聽政之餘留意蒐輯
念舊志久缺欲重加編次成一郡完書予以澣沐里居
荷蒙折簡義不獲辭乃偕郡邑諸君子徵文攷獻蒼萃
而修明之事以類從目由綱舉視舊志則仍而不改者
半焉正其譌芟其蕪增而續之者亦半焉夫疆寓所肇
隸在職方夷險近遠所由作之限也故首列輿圖而疆
域次之名山大川用表形勝周防之固蓋卽此而在矣
故志山川建侯樹屏必嚮明以出治然興作之役君子

謹之重勞民也故志建置三壤底定公旬赴役奉上之
義所由昭與故志民賦學校之興廢關人才之盛衰論
秀書升則克庸於王國故志學校朝賀之儀講約讀法
之事

天威咫尺儼若承之故志禮儀先成民而後致力於神非其
義也不在祀典故志祠祀阜民之產去其邪慝惟有司
是任蒞茲土者例得備書故志秩官美斯愛愛斯傳從
民之公云爾故志宦蹟惟事事乃其有備有備無患除
戎訓旅職綦嚴哉故志軍政茂才孝廉科目明經代異
其制要以得人材襄政治故志選舉川嶽之氣鬱爲國
華立德立功各自有其不朽者故志人物冰霜節操久

而愈堅形管揚之足以勵俗故志列女沐膏澤詠勤苦誠使俗不習淫貨無棄地則安甯之術也故志風土惟通襟山帶海賢人君子之所歷留芳型焉故志古蹟文詞者言之至精者也苟關風教悉載簡編故志藝文理不相蒙義不相附而搜其遺漏足錯舉以盡變故以雜志終之若此者體斯備矣其取類也廣其核實也嚴其於甯謹毋濫甯質毋華之旨未之有悖也昔沈休文自負史才而評者謂其條流麤舉采擇未周況以予之寡昧奚能爲役乎顧諸所編次積有歲時耳目心手更迭爲用幸得成帙以報命於賢使君則亦竊附於識大識小之義備他日輶軒之採云爾

通州直隸州志

凡例

一州乘肇祖有明先後凡九修其初第紀一州掌故而已康熙甲寅志始以海門來附乾隆甲戌志併隸泰如兩屬邑例準府志編纂實繁高沙夏檢討主裁斯役纂輯非出一手舛誤冗複未爲完書道光時郡中銳意興修將成忽敗止存副藁七冊今詳加蒐討條分件繫徵信闕疑成功緩而立體較嚴云

一前志類目紛繁今分十二志曰疆域曰山川曰建置曰民賦曰學校曰儀典曰軍政曰秩官曰選舉曰人物曰列女曰藝文圖冠首雜紀綴末凡爲圖二十有九爲

通州直隸州志 序
表二十有七爲目五十有七附見者六綱繫以序目弁以引發明本旨無假陳言

一圖爲紀事之文例不與諸志屢列故冠首簡以別之舊圖簡率鮮確古蹟圖尤牽合非倫今窮工增繪計里開方毛密界畫按圖披索形勝瞭然

一疆域志增風氣一目班孟堅言剛柔緩急繫乎水土其志地理必條論風俗其後義固有當也前志道里其大率已具首卷圖說中餘並刪入都里坊表舊列古蹟稱名殊乖近日儀徵江陰諸志皆入疆域今從之而綴於市巷之末

一志山川必詳其脈落經界遠邇聯屬之處非徒侈觀

覽也五山發脈或謂自黃山蜿蜒而來或謂鍾山餘氣臆說難憑概無取焉水則承淮之委環江帶海而串場運鹽之支分派別利害攸繫前志志山名類多舛志水尤泛濫不關竅要今以江海河爲經港汊牖堰爲緯尋端竟委燦然迭呈亦禹貢紀水曰南至曰北過曰東流曰又東之意并臚舉歷代治水成績俾留心政要者有所考至郡邑名勝夥頤涼亭燠館借山水生色從其類也末仿福建通志雲南通志江南舊通志附以宅墓無嫌不倫

一建置志增井泉橋梁而以驛鋪入軍政堂院更曰義局義塚卽附焉其

文廟建置入學校規制壇祠建置入儀典秩祀仍舊例也
一民賦科則條款恪遵道光九年賦役全書及布政司
頒發新冊準以今額而前之變遷增損亦備著於篇蘆
洲漲坍升豁隱係民瘼尤不容略釐法時有變更錄其
有關於場窳者中增蠲卹一目廣斥之區遭逢

聖代淪浹靡旣故樂詳焉物產爲民生所資亦貢賦所出禹
貢厥貢厥篚職方氏其利其穀其畜卽志物產之祖黃
唐堂謂食貨之於戶口土產詳而勿略合而勿離立論
最確

一學校爲一郡風化所先別立一類所見誠大其從祀
賢儒姓名位次及丁祭儀節樂舞祭品祭器之數以暨
諸典禮之麗於廟與學者連篇累牘率郡縣通用之語
然敬謹標識藉資觀化故仍其舊而考訂加詳焉試院
書院小學社學義學皆與學校相表裏者也例得附書
一前志禮儀卽甲寅經制志之公儀也寥寥數帙皆公
家言提綱標目簡陋特甚今更爲儀典志合以秩祀并
增敦俗引年二目且令比戶禮教之風

昭代憲乞之典光我簡端

一秩官志舊列統轄一目挂漏舛譌不一而足官制分
繫各表攷古亦未詳確今以歷代官秩沿革異同統列
於前曰官制爲文職表六武職表二官蹟卽列傳於後
而統轄官之有功德茲土者表無可列傳宜附登甲寅

志及明嘉靖丁丑志並立外傳以風有位前志刪之今綜其大略散見表中庶幾法戒勸懲於茲不廢

一通自前明中業建設巨鎮存留裁汰今昔不同近復思患豫防講求船政故軍政志區陸營水師爲二而隸於有司者以鄉兵別之歷來防倭禦寇之事臚列其後蓋安不忘危而斯邦江清海晏投戈息烽之象亦於此見云

一選舉志文選表五武選表四封廕表四州及屬邑各爲一表與秩官表同表中系屬可考者標明某子某孫某從子某父某弟對山舊例也雜流出身本與應例不同今悉從甲寅志檢覈分載

一前志人物首列名賢名賢之稱副實匪易傳中當之無媿者安定先生一人而已今從甲寅志曰名臣亦更寓賢爲僑寓蓋紀實也舊傳文義參差玉石錯出時代先後往往失次今更加纂輯文其鄙俚去其繁猥離合呼應統歸一致舊所傳者不敢漏遺一人以蹈蔑古之愆今所增續亦不敢曲徇好惡取悅一時之耳目區區苦心當共諒之

一列女志古無繫以表者嘉慶鹽法志始創爲之郡人楊廷撰咫聞錄卽用其例今立年列表書其姓氏年歲而事蹟較著者分傳於後志名列女昉於劉向不得專指節烈今分節孝貞孝義烈而以才淑附傳人物從嚴

傳列女從寬潛德幽光闡發不易非故濫也紀載之體男子書字女子書氏然姓同名獨略仿史例婦繫夫名女繫父名較便省覽

一藝文志不列疏議記序詩賦諸作前明各志例本如是今仍分隸各類或以事從或以人從或以地從無所附麗者軼可也目分經史子集標舉書名間錄序跋以爲徵文嗜古之一助

一卷末綴以雜紀十二志之無可屬者屬之矧夫災祲祥異語涉讖緯方伎近瑣二氏近誣雜綴簡尾聊示外之意而摭遺蒐軼有正志所不登者亦並入焉

一前志謬誤百出更僕難數攷證之誤什六鈔胥之誤

什四今悉隨條指駁別成訂譌一門

通州直隸州志

序

纂修職名

志原

凡例

目錄

卷首

圖

通州全屬圖

有說

縣四境圖

凡二有說

五山圖

凡六有說

縣城隍圖

凡二

州四境圖

有說

江海交會圖

有說

州城隍圖

州學宮圖

試院圖

紫琅書院圖

解署圖 凡二

場鎮圖 凡九 有說

卷一 疆域志

沿革 表附

星野

形勝

風氣 方言附

都里

市巷 坊表附

卷二 山川志

山

水 水利治績附

名蹟 宅墓附

卷三 建置志

城隍

廨署

倉廩

井泉

民賦志

義局 義塚附

戶口

則壤

解支 雜稅衛賦學租 附

緇郵

蘆政

鹽法

物產

卷五 學校志

規制

禮樂

教養

院塾

卷六 儀典志

公儀

秩祀

敦俗

引年

卷七

軍政志

陸營

水師

鄉兵

歷代兵畧

卷八

秩官志上

官制

文職表一

文職表二

文職表三

文職表四

文職表五

卷九

秩官志下

文職表六

武職表一

卷十

武職表二

列傳

附傳

卷十

選舉志上

文選表一

文選表二

文選表二

文選表四

卷十一

選舉志下

文選表五

武選表一

武選表二

武選表三

武選表四

封廕表一

封廕表二

封廕表三

封廕表四

封廕表五

卷十二 人物志上

名臣傳

忠節傳

宦績傳 武功附

卷十三 人物志下

孝友傳

義行傳

文苑傳

隱逸傳

僑寓傳

卷十四 列女志上

年例表一

年例表二

年例表三

卷十五 列女志下

卷十六 藝文志

年例表四

節孝傳

貞孝傳

義烈傳

才淑傳

經部

史部

子部

集部

雜紀

祥異

方技

二氏 寺觀附

軼聞

訂譌

跋後

卷一	地理
卷二	建置
卷三	職官
卷四	選舉
卷五	學校
卷六	風俗
卷七	禮俗
卷八	兵防
卷九	刑獄
卷十	賦役
卷十一	倉儲
卷十二	賑濟
卷十三	蠲免
卷十四	雜考
卷十五	藝文
卷十六	雜錄
卷十七	雜考
卷十八	雜考
卷十九	雜考
卷二十	雜考
卷二十一	雜考
卷二十二	雜考
卷二十三	雜考
卷二十四	雜考
卷二十五	雜考
卷二十六	雜考
卷二十七	雜考
卷二十八	雜考
卷二十九	雜考
卷三十	雜考
卷三十一	雜考
卷三十二	雜考
卷三十三	雜考
卷三十四	雜考
卷三十五	雜考
卷三十六	雜考
卷三十七	雜考
卷三十八	雜考
卷三十九	雜考
卷四十	雜考
卷四十一	雜考
卷四十二	雜考
卷四十三	雜考
卷四十四	雜考
卷四十五	雜考
卷四十六	雜考
卷四十七	雜考
卷四十八	雜考
卷四十九	雜考
卷五十	雜考

通州直隸州志

圖

通州全屬圖

有說

州四境圖

有說

縣四境圖

凡二 有說

江海交會圖

有說

五山圖

凡六 有說

州城隍圖

縣城隍圖

凡二

州學宮圖

試院圖

紫琅書院圖

總鎮署圖


州署圖

場鎮圖

凡九 有說

敘曰禹奠山川益圖而記之而地理於是乎有圖周官大司徒掌九州地圖漢祖入關先收丞相府圖籍其後吏引以斷獄訟筆端元氣顧不偉與通郡地兼數同城郭室廬紛錯其間名山巨浸雄視於外其扼塞之故輪

廣之數區區尺幅中不窺牖而瞭然如示諸掌也略仿晉裴秀分寸起里之法繪圖左方而其右并弁以說焉



通州直隸州志卷首

圖

通州全屬圖說

通州由州治上達


京師二千六百九十五里距江甯省城五百三十里東南界海門南與西界大江西南一角界靖江西北界泰州北界東臺東北界大海東西斜佔最廣處二百四十里南北直佔最長處一百三十里共積地二萬一千七百七十六方里以少廣法計之凡六百四十餘里

通州全屬圖

通州直隸州志


卷首

每方千里



北

南




通州直隸州志

卷首


通州全屬

五




州四境圖說

州境橫寬縱窄西恢東逼東西平佔最廣處一百六十
 三里斜佔最廣處二百三里南北最長處七十四里最
 短處十五里東北角轄海邊八十餘里界際外洋西南
 角轄江邊七十餘里與常昭分界江心南自老洪港少
 北而東沿界河抵海邊一百七十餘里為海門界北自
 海邊西歷雙龍白蒲等鎮抵絲魚港江口一百九十餘
 里為如皋界全境積地六千九百三十方里自范公隄
 畫分隄外積地一千八百七十五方里合九千二百餘
 頃為鹽場地隄內積地五千五十五方里合二萬七千
 三百頃為州地



州四境圖



泰興縣四境圖說



縣距州治逕直一百八十六里西至過船港際江逕直
十三里傍江迂曲二十里東至鴛鴦橋如皋界逕直五
十八里西北至唐莊江都泰州合界逕直四十五里東
北至古溪鎮少北泰州如皋合界逕直六十五里南至
界港江口靖江界逕直三十五里東南至界河夏泗港
如皋靖江兩界口逕直六十里自界港江口東北歷毘
羅廣陵季家等鎮至夏泗港迂曲八十餘里爲靖江界
自夏泗港口北至周莊迂曲四十餘里爲如皋界自周
莊西至唐莊迂曲一百里爲泰州界自唐莊西南至揚
子港江口迂曲二十餘里爲江都界自揚子港口東南

歷廟灣凌家過船六七八九圩等港至界港迂曲江邊
八十里東西平佔最廣處九十里斜佔最廣處一百五
里南北最長處七十五里最短處四十三里全境積地
四千二十五方里合二萬一千七百餘頃外轄江心太
平洲等沙積地二百二十方里合一千一百餘頃共積
地四千二百三十七方里合二萬二千八百餘頃

如皋縣四境圖說

縣距州治逕直一百二里西北至立發橋泰州界逕直四十里西南至鴛鴦橋泰興界逕直四十二里南至張黃港口靖江界逕直六十四里南少東至絲魚港口通州界逕直六十五里東南至白蒲鎮通州界逕直四十二里東際海邊逕直一百四十一里東北至三石洞口東臺界逕直七十六里東北角轄海邊迂曲一百三十餘里東南轄江邊迂曲三十餘里自南而西南沿界河迂曲三十里爲靖江界自西南而西迂曲四十餘里爲泰興界自西而北迂曲九十里爲泰州界自北而東北迂曲一百四十餘里爲東臺界自南而東南迂曲一百

九十餘里爲通州界東西平佔最廣處一百八十里南北最長處一百里最短處四十里全境積地一萬八千九百九十九方里合五萬八千四百餘頃自范公隄畫分隄東積地二千六千方里合一萬四千餘頃爲鹽場地隄西積地八千二百九十九方里合四萬四千八百餘頃爲縣地




江海交會圖說


通居江海之交東北轄海邊二百十餘里西南轄江邊一百八十餘里舊論海防以廖角嘴爲著名險要今則沿海一面並無泊舟巨港潮水漲落變遷靡定范公隄外海灘鹽地一望無際或百里或數十里率爛淤不可立足而灘外明沙環繞暗沙隱伏所謂廖角嘴者特伏水之淺埂耳微特海舟不能傍岸卽洋面鍼路亦距岸甚遠瞭望所不及故籌海者祇令輪艇水師以巡爲守而專恃崇明爲外戶也長江一面以狼福對峙之江面爲第一重門戶常陰沙突漲江心距洪三里爲第二重門戶太平洲繇亘江面隔深洪四里爲第四重門戶至

黃田八圩相望江面六里有奇爲第三重門戶則在江陰靖江境內矣其入裏支港狼山任家達州治最逕九圩達運鹽河碾砣周圩張黃達龍游河通如皋王家過船近接泰興尤爲沿江要口

江海交會圖



北




通州直隸州志

卷首

五 江海交會

三



五山圖說

從揚州表趨而東土地平行至通之南五山嶄然突起
 與江南福山相望形勢天成足資控禦昔時江水齧其
 麓軍劍黃泥馬鞍越在江中前明屢中寇患山為用武
 之地通地勢下江潮內蝕浮沙時漲時沒不可隄岸又
 恃山為砥柱今巨浸成沃壤矣五山環立於陸農桑被
 野海波不揚暇日登陟相與逞奇詭勝而已為具離合
 向背之象備省覽焉

南




東

五山全圖



西




狼山圖

東



軍山圖



北

北




南

劍山圖



黃泥山圖



馬鞍山圖



通志卷首
州城隍圖





通志卷首

州城隍圖

東

西







東





泰興城隍



通州直隸州志 卷首 試院圖







通州直隸州志 卷首
州署圖



通州直隸州志 卷首 州署圖

場鎮各圖說



興仁鎮在州治東十五里海門縣廢併州其民徙居永安鎮鎮又逼江復徙於此是名興仁廬井雲連旣繁且阜邑之舊闕什居六七焉

石港場在州治東北六十里鹽運分司駐其地州境鹽場凡五由石港而東南三十里曰金沙又東二十里曰餘西又四十里曰餘東又六十里曰呂四諸場以范公隄爲屏蔽隄外皆煎鹽地然沙灘暗漲惟呂四場東自海神廟至慶豐牯距海較近涵厚產旺自慶豐牯至騎岸鎮以北距海漸遠隄傍亦雜有農田舊時亭竈取涵維艱此今昔地勢之不同也餘西東之間有四甲鎮爲


通州州同所駐而呂東則設巡檢司以資彈壓

平湖鎮在州治西北三十里爲南北水陸孔道西通天生九圩等港車聲帆影窮日夜弗輟也

州西北以平湖白蒲爲二巨鎮由平湖而北又三十里卽白蒲鎮古蒲濤縣地也鎮跨通州如皋兩境以中板橋爲界南轄於通北轄於皋居人占皋籍者較夥云




通州直隸州志 卷首



石

五

南



水


東

石港場

三


通州直隸州志 卷首

東



南

北




東


金沙場

圖

通州直隸州志 卷首 餘西場圖



南



北

通州直隸州志


卷首圖

餘西場


三

四甲鎮圖

通志直隸州志



南



通志直隸州志


卷首

四甲鎮

圖

餘東場圖


通志卷首




通志卷首

餘東場


圖





平潮鎮圖



平潮鎮圖







通州直隸州志

疆域志

沿革 表附

星野

形勝

風氣 方言附

都里

市巷 坊表附

敘曰志猶史也凡史皆志地郡邑志尤專屬地理之學故加詳焉其他則其所附麗也通於南服塵塵一牧兩令之所泄而布井陳邑疆索迭更名號孔阜采掇舊籍而件繫之由是以審天象察地勢稽人事遠涉郊鄙近規市廛期無盪於聖王固國域民之意斯則輿書之權輿已志疆域第一

東晉立蒲濤縣屬海陵郡隸徐州

洪亮吉東晉疆域志海陵郡晉安帝分廣陵立永初郡國屬徐州東晉蓋同凡領縣四臨江如皋甯海蒲濤舊揚州府舊志蒲濤廢縣在通州境

南北朝為蒲濤縣屬海陵郡隸南兗州

宋書州郡志南兗州刺史海陵太守蒲濤令南齊書州郡志南兗州海陵郡蒲濤隋書地理志註梁置南兗州後齊改東周改吳州

隋省入海陵縣屬江都郡隸揚州

隋書地理志揚州江都郡海陵註梁置海陵郡開皇初郡廢省志隋志無蒲濤縣蓋仍省入海陵縣

唐為鹽亭場屬揚州廣陵郡隸淮南道

唐書地理志淮南道揚州廣陵郡海陵註武德三年更名吳陵以縣置吳州七年州廢復故名景龍二年析置海安縣開元十年省有鹽亭場

南唐立靜海都鎮制置院

五代史職方考通州本海陵之東境南唐立靜海制置院

後周升靜海軍尋改通州領縣二靜海海門

五代史職方考周世宗克淮南升為靜海軍後置通州分其地置靜海門二縣為屬而治靜海通鑑註先是南唐於海陵之東境置靜海軍鎮靜海門至海陵二百里七十五里宋白曰靜海軍本揚州鎮東南至海口狼山北立靜海制置院周得之鎮靜海軍東南至江口於狼山之西度江登陸抵福山鎮則蘇州常熟縣界文獻通考靜海周縣有狼山蔡港餘慶石港西寨五寨

宋改崇州尋復為通州隸淮南東路領縣二靜海海門

監一利豐

南畿志宋天聖元年改為崇州一日崇川尋復為通州屬淮南東路宋史地理志通州中軍事政和七年賜郡名曰靜海建炎四年入於金尋復縣二靜海海門監一利豐註靜海縣望周屬揚州折其地為縣與海門同來

隸利豐監寧煎鹽太平興國八年移治於州西南四里

元升通州路復為州屬揚州路隸江北淮東道廉訪司

領縣二靜海海門

元史地理志揚州路通州中唐屬揚州南唐於海陵東境置靜海鎮周改為通州宋改靜海郡元至元十五年改通州路二十一年復為州隸揚州路

明為通州屬揚州府隸南直隸領縣一海門

明史地理志南直隸揚州府通州洪武初以州治靜海縣省入領縣一海門南畿志通州明屬揚州府洪武初以靜海縣省入領縣二海門崇明後改崇明屬蘇州府領縣一按崇明宋嘉定中置天賜場屬通州海門縣元至元十四年屬通州八年改屬蘇州府

國朝升通州直隸州隸江蘇布政使司改隸江甯布政使

司領縣二泰興如皋

國初屬揚州府康熙十一年省海門縣為鄉併入通州雍正二年升為直隸州以揚州府之泰興泰州之如皋來屬領縣二隸江蘇布政使司乾隆二十六年改隸江甯

靜海鄉

三代揚州之域

漢為海陵縣東境

唐為鹽亭場

楊吳為東洲鎮

揚州府舊志海門縣本漢海陵縣東境其地為東布洲揚吳時為東洲鎮海門縣舊志古大安鎮即東洲也原為海嶼沙洲通鑑注東布洲在泰州東南大江中元是又曰東布洲通鑑注東布洲在泰州東南大江中元是縣界沙洲之地宋白曰東布洲在泰州東南大江中元是南唐屬靜海都鎮制置院

後周立海門縣屬通州

續文獻通考海門本海陵縣東境之東洲鎮五代周置縣屬通州以僻在海隅故名九域志在州東一百里

宋為海門縣屬通州

宋史地理志通海門縣望

元遷治禮安鄉仍屬揚州路通州為海門縣

元史地理志通海門縣中

明遷治通州餘中場再遷金沙場仍為海門縣屬揚州府通州

府通州

明史地理志海門舊治禮安鄉比於海正德七年徙治餘中場嘉靖二十四年八月遷於金沙場以避水患西有張港東有吳陵又有安東壩上又有白塔河四巡檢司南有料角嘴

國朝省入通州為海門鄉今改靜海鄉

靜海鄉志康熙十一年縣城為湖所壞遷治永安鎮省縣為鄉越數十年永安復圯遷於興仁鎮距州城十五里按海門改縣為鄉歸併通州康熙間經督臣馬祐奏明至乾隆間通崇設海門舊縣址當之洪亮一統志建置門內載海門廳誤以海門初建之所在東海門通治州縣志亦然不知海門初建之所在東海門通治百里與廳治遠不相涉即今廳治亦非元明海門通治舊址道光三年重修一統志廳治亦非元明海門通治俱由海漲出乾崇沙漲地置官治之山川門內載廳地一地非今昔異名也道光十二年因廳鄉名目易致混淆邑人丁鹿壽等赴部呈請准改海門鄉為靜海鄉

三代揚州之域

漢為海陵縣濟川鎮

東漢為東陽縣地

晉為海陽縣地

隋唐仍為海陵縣地

南唐立泰興縣屬泰州

南唐書昇元元年升東都海陵縣為泰州割泰興隸焉南畿志泰興本海陵縣地濟川鎮南唐始置縣升鎮為泰興縣割治於柴墟宋初徙治延令村是為今縣治

宋為泰興縣屬泰州改屬揚州

宋史地理志揚州廣陵郡泰興縣中舊隸泰州紹興五年來屬十年又屬泰州十二年又來隸以柴墟鎮延令村隸海陵二十九年盡仍舊又泰州紹興十年移治泰興沙上時泰興隸海陵

元為泰興縣屬揚州路

元史地理志揚州路泰興縣上

明為泰興縣屬揚州府

明史地理志揚州府泰興南濱江西北有口岸鎮東有黃橋鎮南有卍莊三巡檢司

國朝為泰興縣屬揚州府改屬通州

雍正二年升通州為直隸州以縣屬焉

如皋縣

三代揚州之域

春秋為郟邑屬吳

春秋哀公十二年秋公會衛侯宋皇瑗于郟杜預註郟發揚也廣陵海陵縣東南有發繇口今縣北四十五里立發橋即其地

漢為海陵縣地

如皋縣志謂漢屬廣陵當是海陵之輿縣郭璞江賦鼓洪濤於赤岸李善註赤岸在廣陵與縣今如皋東北有赤岸遂疑岸即漢輿縣故地考漢志海陵與輿皆臨淮領縣不得謂海陵之輿縣也後漢志廣陵郡輿侯國故屬臨淮宋志廣陵太守永嘉十三年併江都又江都臨淮後漢省臨淮屬廣陵元嘉十三年併江都

令江左省併與縣元嘉十三年復立以併江都又海陵太守晉安帝分廣陵立領縣六其一如皋未言分與縣也且如皋置於東晉與併於宋是與未併江都以前已置縣矧如皋江都中隔海陵皋為與地不能越海陵而併江都則皋斷非與明矣

呂志殆因李善註而誤會耳

後漢為東陽縣地

晉為海陽縣地

東晉立如皋縣屬海陵郡
洪亮吉東晉疆域志海陵郡如皋縣晉安帝立太平寰宇記縣西一百五十步有如皋港港側有如皋村縣因以名如皋縣鄭志東晉分廣陵五縣置山陽郡如皋與焉莫知為縣之始按晉書止云晉分廣陵界置海陵山陽二郡宋書海陵郡領縣六建陵臨江如皋甯海蒲濤山陽郡領縣四山陽鹽城東城左鄉無如皋屬山陽之文且沈志明云如皋晉安帝立安得云莫知為縣之始

南北朝為如皋縣屬海陵郡

宋書州郡志南兖州刺史海陵太守如皋
合南齊書州郡志南兖州海陵郡如皋

隋省入甯海縣屬江都郡

隋書地理志江都郡甯海註開皇初併如皋縣入按晉義熙中所置廣陵五縣甯海臨江皆今如皋縣地臨江周省入甯海

唐省入海陵縣為如皋場屬揚州

舊唐書地理志太和五年析海陵之五鄉置如皋場與地志廢甯海縣在如皋境省志唐析海陵地置如皋鎮一統志如皋場唐置即今縣治

南唐復立如皋縣屬泰州

續文獻通考唐如皋鎮南唐升為如皋縣屬泰州南唐書昇元元年升海陵為泰州割如皋屬焉

宋為如皋縣屬泰州

宋史地理志泰州海陵郡如皋中下開寶七年以海陵監移治

元為如皋縣屬揚州路泰州

元史地理志泰州如皋縣上皇輿表如皋縣元屬揚州路泰州

明為如皋縣屬揚州府泰州

明史地理志泰州洪武初以州治海陵縣省入領縣一如皋註州東南大江在縣南運河在縣北東有掘港南有石莊北有西場三巡檢司又東南有白浦鎮

國朝為如皋縣屬揚州府改屬通州

雍正二年升通州為直隸州以縣屬焉

附沿革表

國朝 三代 秦 兩漢 晉 南北朝 隋 唐 五代 宋 元 明

通州

禹貢揚州東海陵縣海陽縣州之境屬九地屬臨地屬廣順治初春秋屬江都

屬江都監亭場郡隸揚州

靜海都崇州

通州路通州

府領縣越戰國一海門屬楚

漢為扶海州東浦濤縣浦濤縣省入海道

院 改置每年升為洪武二年復為通海縣

康熙十一年海門縣省

陽縣地東晉安仍屬海屬廣陵帝義熙陵郡隸郡仍隸七年立南兖州

靜海軍通州靜海州 屬揚州 縣來屬

隸州

徐州三屬海陵國屬魏郡隸徐已屬吳州

周世宗 顯德五年 海郡 屬揚州 縣來屬

雍正二年

和七年 賜郡名 江北 隸海門 隸

平升直隸州

靜海縣 靜海縣 靜海縣

隸江蘇

靜海縣 靜海縣 靜海縣

年改隸

周析立

江甯布政使司

州治

海門縣 揚州之

順治初

屬通州

海門鄉

康熙十

一年併

入州省

縣為鄉

靜海鄉

道光十

九年改

名靜海

泰興縣

揚州之

舊屬揚

州府雍

正二年

來屬

東布州

海陵縣

東境

地

濟川鎮

海陽

海陵縣

地

東陽縣

地

地

鹽亭場

場吳為

海門縣

海門縣

海門縣

海門縣

海門縣

海門縣

海門縣

海門縣

海門縣

顯德五

年析立

屬通州

州

州

州

州

州

州

州

州

順帝至

武宗正

中遷德

七年

治禮安

遷治餘

鄉屬揚

中場世

州路通

宗嘉靖

二十四

年遷治

金沙場

屬揚州

府通州

府

府

府

府

府

府

府

府

府

府

府

府

府

府

府

府

府

府

府

府

府

府

如皋縣

如皋縣

如皋縣

如皋縣

如皋縣

如皋縣

如皋縣

如皋縣

如皋縣

如皋縣

如皋縣

如皋縣

如皋縣

如皋縣

南唐烈

屬泰州

屬揚州

屬揚州

屬揚州

屬揚州

屬揚州

屬揚州

屬揚州

屬揚州

屬揚州

屬揚州

屬揚州

屬揚州

路泰州

府泰州

府泰州

府泰州

府泰州

府泰州

府泰州

府泰州

府泰州

府泰州

府泰州

府泰州

府泰州

府泰州

州屬泰

五年改

屬揚州

十年又

屬泰州

州移治

泰興沙

上十二

年復屬

揚州

揚州

揚州

揚州

揚州

州屬泰

五年改

屬揚州

十年又

屬泰州

州移治

泰興沙

上十二

年復屬

揚州

揚州

揚州

揚州

揚州

州屬泰

五年改

屬揚州

十年又

屬泰州

州移治

泰興沙

上十二

年復屬

揚州

揚州

揚州

揚州

揚州

如皋縣 揚州之

舊屬揚

州府雍

正二年

來屬

地

地

地

地

地

地

地

地

地

海陵縣

如皋縣

如皋縣

如皋縣

如皋縣

如皋縣

如皋縣

如皋縣

如皋縣

如皋縣

如皋縣

如皋縣

如皋縣

如皋縣

晉安帝

義熙七

年析立

屬海陵

郡

郡

郡

郡

郡

郡

郡

郡

郡

郡

高祖開

皇初省

入甯海

縣屬江

都郡

都郡

都郡

都郡

都郡

都郡

都郡

都郡

都郡

都郡

南唐烈

屬泰州

屬揚州

屬揚州

屬揚州

屬揚州

屬揚州

屬揚州

屬揚州

屬揚州

屬揚州

屬揚州

屬揚州

屬揚州

州屬泰

五年改

屬揚州

十年又

屬泰州

州移治

泰興沙

上十二

年復屬

揚州

揚州

揚州

揚州

揚州

州屬泰

五年改

屬揚州

十年又

屬泰州

州移治

泰興沙

上十二

年復屬

揚州

揚州

揚州

揚州

揚州

州屬泰

五年改

屬揚州

十年又

屬泰州

州移治

泰興沙

上十二

年復屬

揚州

揚州

揚州

揚州

揚州

州屬泰

五年改

屬揚州

十年又

屬泰州

州移治

泰興沙

上十二

年復屬

揚州

揚州

揚州

揚州

揚州

州屬泰

五年改

屬揚州

十年又

屬泰州

州移治

泰興沙

上十二

年復屬

揚州

揚州

揚州

揚州

揚州

東晉析立
雷海縣雷海縣雷海縣
省入海陵縣

星野

鄭僑有云天遠人邇一彈丸地準諸九圍誕矣然歷四千餘年而天官家言不廢下分地理上配天象或亦有土者敬事協紀之微權乎

星紀分野

周禮保章氏鄭元註星紀吳越也吳澄曰星紀揚州之上也

爾雅星紀斗牽牛也郭璞註牽牛斗者日月五星之所終始故謂之星紀

晉書天文志星紀於辰在丑吳越之分野屬揚州

隋書地理志星紀吳越得其分野

唐書天文志星紀得雲漢下流百川歸焉故其分野自

南河下流窮南紀之曲東南負海為星紀

又斗牽牛星紀也自廬江九江負淮水南盡臨淮廣陵

至於東海星紀之分也
又地理志淮南道皆古揚州之域揚楚滁和廬壽舒爲星紀

國朝江南通志通州如皋泰興禹貢揚州之域星紀吳分斗分野

史記天官書斗江湖牽牛婺女揚州正義曰南牽牛須女皆星紀而斗女爲吳之分野也

又吳地斗分野今之會稽九江丹陽豫章廬江廣陵六安臨淮郡盡吳分也

後漢書天文志牽牛主吳越

晉書天文志斗牽牛須女吳越揚州廣陵入牛八度

唐書天文志南斗在雲漢下流當淮揚間爲吳分

宋史天文志南斗六星南星者魁星也石申曰魁第一星主吳

明清類天文分野書斗牛吳越分野

國朝一統志揚州府高郵通泰三州皆斗分

歷代星紀距度之不同

漢劉歆三統曆自斗十二度至十度至女五度 蔡邕月令章句自斗六度至須女二度 皇甫謚帝王世紀自斗七度至魏李業興正天文志自南斗十二度至牛五度 唐天文志初南斗九度餘千四十二秒 太中南斗二十四度終女七度 宋皇居卿元祐觀天曆自斗四度三十五分九十二秒至楊忠輔紹熙統天曆自斗四度三十五分九十二秒至

女三度九十五分七秒
 六十六分六秒
 六分六秒
 郭守敬授時曆自斗度
 度六分三十八秒
 類天文分野書斗度
 國朝憲全書自箕斗度
 十七分至牛一度六分
 無分餘同漢宋皇祐所測斗度
 一度至元崇甯所測斗度
 元至元崇甯所測斗度
 十五分黃道距度之不同
 度隋劉焯所測斗度
 唐一行所測斗度
 宋紀元麻所測斗度
 所測斗度
 三度四十七分六度九分
 十分女十一度一十二分

史傳雜占分野

史記天官書吳楚之疆候在熒惑

星經熒惑主揚州

晉書天文志歲星主齊吳熒惑主楚吳越以南

宋史天文志熒惑主揚荆交州

史記天官書吳楚之疆占於鳥衡

同在南宮故占南國此以四七宿言分野也

史記天官書二十八舍主十二州斗秉兼之

星經玉衡第一星主徐州以五子日候之壬子為廣陵

春秋文耀鉤北斗七星徐揚二州屬權星

晉書天文志北斗七星四主吳

宋史天文志北斗第四星曰權其分為吳漢志主荊州

第六星曰闔陽其分爲趙漢志主揚州此上以北斗言分野也

宋史天文志三台六星上台下星主荆揚

又天市垣東藩十一星六曰吳越此上以中外宮星言分野也

史記天官書丙丁江淮海岱也

漢書天文志戊吳越此上以時日支干言分野也

按星紀吳越說勰康成爾雅以斗牽牛爲星紀漢晉來麻家以斗至女爲星紀言人人殊然吳越雖同星紀吳屬斗越屬牛女蓋江蘇安徽江西爲吳地浙江福建廣東爲越地皆古揚州域合言之爲斗牛女分言之則兩江屬斗浙閩粵屬牛女江蘇惟海州沭陽桃源清河屬奎婁徐州府屬房心非揚州古境此外全省皆斗度班

志亦謂吳地斗分野臨淮廣陵屬焉通郡於春秋爲吳漢爲臨淮後漢爲廣陵斗分何疑後人以晉志廣陵入牛八度之說遂指揚爲牛分不知晉分廣陵界置山陽郡山陽今淮安府明史淮安牛分入牛度者因廣陵本斗度餘境乃入牛度耳至如五緯之熒惑南宮之烏衡謂之總司非分野也闔陽之互掌三台之分職支干之配隸抑又遠焉我朝司天推步較密前古而分星之說純廟嘗斥其非然則諸家聚訟琴絲膠柱其舛否固有不足言者已

形勝
 通故澤諸侯國受淮之委承江之會扼海之吭而合澤
 布氣足傲淮揚十四郡縣者有山爲之鎮也東南卑薄
 而不齧西北衍沃而不殫洵偉矣哉
 通州
 南齊書州郡志土甚平曠東屆海隅
 宋知州狄遵禮曰據江海之會握襟帶之藪
 知海門縣王安石曰東北瀕海影帶諸夷南控大江氣
 吞吳會
 皇輿考瀕江控海南通閩粵北通齊魯
 明海門尹璽曰東南澤國宇宙大觀岷峩澆潛吞聲於

形勝

通故澤諸侯國受淮之委承江之會扼海之吭而合澤
 布氣足傲淮揚十四郡縣者有山爲之鎮也東南卑薄
 而不齧西北衍沃而不殫洵偉矣哉

通州

南齊書州郡志土甚平曠東屆海隅

宋知州狄遵禮曰據江海之會握襟帶之藪

知海門縣王安石曰東北瀕海影帶諸夷南控大江氣

吞吳會

皇輿考瀕江控海南通閩粵北通齊魯

明海門尹璽曰東南澤國宇宙大觀岷峩澆潛吞聲於

此中原蜿蜒藏形於此淮泗逶迤交會於此
郡人顧養謙曰外屏淮鎮遠阻金陵扼三韓而連諸越
其海門之象鼻遐島之鼈背乎

一統志通州瀕海地也狼山在通州之南絕江南渡八
十里抵常熟福山鎮順江而東至崇明沙揚帆指甯波
之鎮海瞬息可到江北海防莫急於此

萬麻丁丑州志南爲蘇郡常熟西南爲常郡江陰更西
上爲金焦諸山省城咫尺萬里江漢東南百二之金湯
也

國朝崑山顧炎武曰通郡東南新城基礲易摧西北阜高
於城可俯而瞰識者慮焉通爲江海要轄味左腋之擁

腫忘右腋之偏枯非完策也若沿海鹽場及海安諸城
漸次隳壞然安不忘危豈可委之榛莽沙礫中哉

揚州府舊志大江奔汨迄與海會鹹淡所分迴瀾觸搏
奇恟變怪卹然足駭狼福對峙實長江門戶而江左南
徐諸山若拱若揖隱然爲江北壯觀

康熙甲寅州志據狼山廖角之勝自昔稱爲第一雄關
嘉靖間建總幕控御內外屹然重鎮矣

任 江南通志東北瀕海地當要津狼山聳峙江北海防重

乾隆甲戌州志廣陵接淮水南流地勢漸下至通而五
山屹立遙與青齊三韓諸島隱具犄角形北連皋邑掘

通州直隸州志 卷一
港南北坎獨舌大洋之兩頰西顧泰興黃港新河斜枕
孟瀆之上流

海曲拾遺通州襟江帶海三面皆距川最爲要害而居
人幸得無恙者南有五山排列以爲砥柱東北有長隄
繇亘以爲屏障俾水不得上與土爭實地勢崇高擅其
勝也

郡人馬有章曰吾州形勝如周官記所稱兩山之間有
川長江以海爲委輸江南諸山蜿蟺千里洪濤行其麓
北岸則瀕淮岡巒繇亘接連對峙始合兩山間造物行
水不逆防之地而江都故縣沃衍蕃庶則澤國水所鍾
美也地平衍惟州五山挾淮瀕隱淪脈絡奠江歸海之

側與江南諸山成兩山間畜江形勢州地獨高江水不
嚙岷山之精上爲井絡發源道江連翼軫婺女光耀合
漢潛洞庭彭蠡巨浸朝宗與天地相終始海水上海潮候
噓喻爲畜洩安翔徐回在州百里間灌漑浦鹽渠皆滿
舊海門縣

國朝順治丙申縣志縣東抵廖角嘴七十里江海並曠浩
淼之勢日不可測通浙江福建達南海歷山東直抵遼
東而日本琉球朝鮮諸國序立於外元時海運從此逕
達直沽亦第一形勝也

揚州府舊志海自縣境廖角嘴入揚子大江此爲門戶
揚東南所屬抵海門而極矣

康熙甲寅州志海門自昔最爲險要濤聲澎湃上滙江
淮下吞東溟登城一眺蒼茫萬里收歸咫尺惜乎桑田
屢變失此巨觀

泰興縣

明萬厯己亥縣志枕江負海驥渚障其東南柴墟扼其
西北以黃橋新市爲巨鎮以印莊嘶馬爲屏蔽王港馬
橋衿喉南北所謂犄角常郡表裏海陵者也

國朝揚州府舊志縣僻處江介自口岸黃橋斜連孟瀆河
實郡東南之要害也

康熙戊辰縣志塞阨東南洵爲偏壤重地

康熙丙申縣志孤懸江沚獨稱巖邑淮海之門戶天塹

之咽喉設險守土要害不在狼福以下

江南通志縣與靖江錯壤斜連孟瀆舟艇往來雖屬通
郡襟帶實揚郡屏蔽矣

如皋縣

明嘉靖庚申縣志以丁堰爲喉舌摩訶爲屏蔽黃橋其
出入之衝海安其控扼之所

萬厯甲寅縣志皋在廣陵東南境當通泰之中負海枕
江角犄鼎峙卽幅員少儉而保聚爲難故經以城垣聯
以都鄙辨以井閭然後臂指之勢成其於域民不險而
固矣

國朝揚州府舊志縣介通泰之間南面江東瀕巨海雖去

郡稍遠實有控扼之勢焉

康熙癸亥縣志東聯滄海勢壓島夷南控大江氣吞吳會挹摩訶之秀麗拱淮泗之逶迤

江南通志縣東距海掘港豐利諸鹽場碁布其間運鹽河自泰州經縣界入通州達呂四場其聯絡貫注者爲串場河匪惟鹽艘所關亦設險之地也

乾隆庚午縣志邑之疆索贏於漢縮於唐畫一於明四至八到固淮海名區也白蒲以西車馬湖以東波臣載吐載嚙昔人表摩訶山以正南界而豐利掘港馬塘三場則東境之環衛也西鄙延陵北鄙發揚肇域最久覺昔賢風期去人未遠焉

乾隆甲戌州志如泰兩邑同界州之西北泰興瀕江口下流如皋居海口左頰防海防江俱爲要害地或謂臬邑轄通其勢順泰興中界靖江屏於直西恐致鞭長莫及不知建邦定制但取地勢相聯自可星羅碁布如常之靖江孤懸江北然南北策應則靖之與常猶腹之有背也矧泰興東望平原與臬正相表裏策通防衛者此尤其鎖鑰焉

通兼揚徐之氣角徵會角羽集舒遲漂輕其土性也而日澆月訛今昔又不同矣君子勤禮小人盡力均之埏埴唯甄者之所為爾

風氣

通兼揚徐之氣角徵會角羽集舒遲漂輕其土性也而日澆月訛今昔又不同矣君子勤禮小人盡力均之埏埴唯甄者之所為爾

通州

漢史記彭城以東東海吳廣陵也其俗類徐僮漢書地理志高祖王兄子濞於吳招致天下娛游子弟而淮南王安亦招賓客著書文辭並發世傳楚辭其失巧而少信本吳粵與楚接比數相并兼故民俗畧同隋書地理志江都淮南人性並躁勁風氣果決視死如歸戰而貴詐此其舊風也平陳之後其俗頗變尚滄質

好儉約喪紀昏姻率漸於禮

唐通典揚州人性輕揚而尚鬼好祀長淮大江皆可拒守永嘉東遷衣冠萃止藝文儒術斯之為盛今雖閭閻賤品處力役之際吟詠不輟蓋顏謝徐庾之風扇焉

宋紹熙廣陵志揚州牧守如王韓歐蘇劉呂皆名德相望風流蘊藉故其俗樸厚而不爭好學而有文實諸賢之遺化也

嘉泰廣陵志俗從約而易化士循理而多文

明嘉靖庚寅州志通之人士互重名節不營殖以為孫謀割產之什一為宅務堅樸而不淫嫁娶重約信殯葬稱家祭用古禮不用僧道賦稅差徭多不後期市鮮游

民地無娼館不事賭博閭閻之別頗嚴女婦無宴會者嘉靖甲寅州志山川毓秀風氣日上文章之餘發為藝術者間有之農喜積穀計口儲蓄以備荒歉商不趕集不以婦女主店不久客在外葦葦於本土貿易有無市罕游民

陳堯農書余少而綴文長而從政故足不履隴畝手不執耰鋤烏覩農夫胼胝之勤稼穡艱難之事故頃以病歸偃息紫薇園中得與農夫往來隴上間至其家見其服食器用然後知其疾苦事焉蓋一夫一歲之所費則田五千步五步者古之二十畝也以一歲之修其溝洫秧耨草至於穫稻每用十餘人則有東阡西陌比屋之家相與合作不足則傭之有餘力者又時時修其溝洫飭其耒耜飯牛車水所費亦不貲焉以歲之所入則每田一畝豐年得穀三石次則二石又次之則一石而已主人得費其十六農得費其十四焉以歲之所入較一歲之所費農夫之四已費其四矣而況乎不止於一也方其穀秀於田則有催租之胥放債之客盼盼然履畝

而待之官比其登場揭囊而荷擔者誼器滿室矣終歲所
 得僅了把臂而泣謂吾數口之家歲食粟幾何俟未雨而
 心而歎女婚嫁喪葬之需塗茨幾何俟未雨而衣幾
 何不稍葺治何卒歲之門而稱災及之意外則取足焉
 乃不踐幸而一叩諸富人之所旱之災及之意外則取足焉
 若之不間皆化爲蓬蒿蝗水旱之災及之意外則取足焉
 而臨之不以算六之利必如往時會不惡主人者方執籌
 妻然亦逃之否則相遠於含哺鼓腹之中何有哉余非在
 皆何由知之甚有司哀痛印綬坐堂上百姓仰之如鬼
 神雷電不可測度民有司巡行言何由至其前乎如
 兩漢書循吏傳多載有司巡行言何由至其前乎如
 有爲之也詎書吾通僻在海阡陌勸課農桑昔紀之蓋
 矣乃宏德之也詎書吾通僻在海阡陌勸課農桑昔紀之蓋
 犯法故有十金免答百金免杖者廉恥之心勝也又有
 百歲老人常語人曰吾自東髮以來未踐有司之懼聞
 今老矣猶不識罔爲何物吏卒過此吾鄉然懼聞
 爭鬪之事吾不識罔爲何物吏卒過此吾鄉然懼聞
 俗也今則里中子弟而任俠爲豪其法如前此吾鄉然懼聞
 奸人博塞酣歌飲無忌醉則入市攫人之金有司捕

治之則持刀而格鬪也又探丸挾箠時時竊發於是生
 業蕩廢廉恥滅亡遂與徒習爲健訟一詞而至於十
 餘人廢而至於十餘人廢而至於十餘人廢而至於十
 其匪此之忿而至於十餘人廢而至於十餘人廢而至於十
 有通逃之及妻而至於十餘人廢而至於十餘人廢而至於十
 是入之釋未紅女下機士輟業有商賈閉肆彼且計其
 賄入之釋未紅女下機士輟業有商賈閉肆彼且計其
 奸宄得志善人剝膚而風俗大壞此則健訟之過也
 又有號爲善人剝膚而風俗大壞此則健訟之過也
 張變幻之詞中人者其禍不淺資險譎專習刑書能爲
 聽其口語事則頌德不登之罪也則曰有趨之視爲嚴
 其害而不怨此則頌德不登之罪也則曰有趨之視爲嚴
 呼而跳罪以爲今夫儂儂而巳不登之罪也則曰有趨之視爲嚴
 訟者譬之健訟者儂儂而巳不登之罪也則曰有趨之視爲嚴
 文之操縱則健訟者儂儂而巳不登之罪也則曰有趨之視爲嚴
 司之罪浮於健訟者儂儂而巳不登之罪也則曰有趨之視爲嚴
 懾惡懼其反噬莫可誰何此庸吏之罪也則曰有趨之視爲嚴
 察奸矣惟威足以懾惡莫可誰何此庸吏之罪也則曰有趨之視爲嚴
 愈多則捆載愈重此墨吏之罪也則曰有趨之視爲嚴

墨吏之罪大矣夫毒蛇入室為人之物也一則力不能
 制縱之而已一則引之者縱蛇虎所不至故曰墨吏之
 其噬人之不窟宅也又聞趙廣漢為潁川太守日墨吏
 與浮虎同窟也余大壞之韓延壽繼之教以禮讓民始
 罪互於庸吏風俗大變而壽禮讓之教以禮讓民始不
 民互於庸吏風俗大變而壽禮讓之教以禮讓民始不
 染之元則元川耳染之俗壞於健訟無欲而禮讓之教
 之道耳去其健訟之俗壞於健訟無欲而禮讓之教
 其標者不從司則培其人必先去其主之治必先其
 從其俗非所以化者鮮矣吾鄉之俗遠人章甫不可
 文間亦大袍家履多異練之衣縑布之人冠即諸生
 不以為陋也庶氓之家則用羊腸葛中似也此二物
 者言其色黑羊腸人言其質薄而氣似也此二物
 價廉而質素故其人浮靡故有藏十年不御其友戲
 則父兄能服此責出門行數十步乎若當沽酒飲汝
 之日汝能服此責出門行數十步乎若當沽酒飲汝
 其羞澀竟不敢出門行數十步乎若當沽酒飲汝
 偽及曝衣日中無一新豔者而後信之其風俗之儉樸

如此遠方吳鄉之美事也今者里中子弟謂羅綺不足
 乃求遠方吳鄉之美事也今者里中子弟謂羅綺不足
 下變易號為時樣此所製之妖也故有衣寬腰細而
 忽人之會者久則鄉人竊笑之無不置之上座向所
 鄉人之會者久則鄉人竊笑之無不置之上座向所
 葛本布久則鄉人竊笑之無不置之上座向所
 流么麼品亦不鬻於市以莫知禁厲之也至於羊腸
 負販之徒躡雲頭履道者踵相接而人莫之異也
 夫物反常則難異者禍之所由也昔鄭子臧好聚鵝
 其後冠何如哉君曰服之由生也然誇也若此者其
 視鵝冠何如哉君曰服之由生也然誇也若此者其
 飲鵝冠何如哉君曰服之由生也然誇也若此者其
 燕會一席而所以成禮非奢而恣且怡然誇也若此者其
 賓之側以而磁杯行酒共飲而多欲也吾鄉先輩歲時
 主人浮大白磁杯行酒共飲而多欲也吾鄉先輩歲時
 沽於市惟其土風不為求其自酌多欲也吾鄉先輩歲時
 氓之家終歲不燕族有故孟相與醉飽而招客不坐於
 以爲簡也貴家巨族非有故孟相與醉飽而招客不坐於
 舞戲承平日則里中富饒然且往觀之談說如嘉靖
 當是時承平日則里中富饒然且往觀之談說如嘉靖
 甲寅而後虛者九乃其侈靡日甚一日隔之鄉里之
 賦十室而後虛者九乃其侈靡日甚一日隔之鄉里之

無故而謙客者一月凡幾然客必專席否則諸遠方珍貴
 之品稍賤則懼其賣客不敢以薦有一杯羹費錢而奪
 百千者每用歌舞戲優人不能給則從他氏所襲而書
 乃盛其供具遊焉夫古者飲士無故不放之風此殆沐猴
 鼎冠耳品無謂焉若此豈惟暴殄亦且僭踰詩曰譬彼
 舟流不知節乃今蓋惻然傷之號書號也者弟不子所
 以施於生鄉里後生所以然也必其人蓋重其文不
 舉其學絕俗號氣節明尊國也必其人蓋重其文不
 正法之而後欲其號始傳否則雖有號不傳也胡之士大
 夫不達其故輒怒報稱號面發赤矣何謂哉余嘗見嘉靖
 稱未進士與四方文士講業雞鳴山已丑庚寅之會錄亦
 列號及乙未而後士始拜官見士大夫往來書牘亦多
 稱字而乙未而後士始拜官見士大夫往來書牘亦多
 公大不勿論即米鹽商賈刀錐吏胥江星卜游手負
 則擔之徒莫不有號生不贊文圖書賓主相對不吐一語

蓋不欲爾汝之也此其殆盛於嘉靖之中葉乎即如
 吾通往時大賢君子不為少矣今皆不舉其號即有號
 者僅數人焉然人處不號矣向也以其學氣節不舉其號
 號也今則何處不號矣向也以其學氣節不舉其號即有號
 余曰公居何處不號矣向也以其學氣節不舉其號即有號
 日雙澗何人則愕然曰我屋燬於倭今歸於雙澗耳余
 號行其一笑迨後聞之則莫之易也夫耳又官之書亦以
 稱囚之號夫罪至大辟而莫之易也夫耳又官之書亦以
 乎故曰天下之鄙至屠酤惡至大辟而莫之易也夫耳又
 刺書夫刺者所以通事今識其於主人而為之先容者然
 童子時常見其鄉事今識其於主人而為之先容者然
 少者賤者見其鄉事今識其於主人而為之先容者然
 今之單拜帖也書門生尊長者其用白表紙往時弟有半
 簡也今則用六幅或長或短沐紅紙其封亦不為
 稱或晚學亦甚矣往時伯叔於年輩相稱若生其官職
 已其越禮亦甚矣往時伯叔於年輩相稱若生其官職
 者稱大人父之執友稱伯叔於年輩相稱若生其官職
 亦稱台輔上卿不稱號稱翁稱叔於年輩相稱若生其官職
 一簿於門賓客至者實言之而去簡矣往時伯叔於年輩
 小兒使人函拜帖而主姓名之門主人簡便也今則朝家
 直隸州志

帖恐失落又籍而紀之矣往時親舊饋遺非行大事不
 具帖今則一羹一果亦具帖使人書之亦大煩勞矣此
 他出其家婦女借紙筆請他守而勿改夫一鄉一邑
 事無不知於何人乃流傳至今不此之效而效彼區
 豈無先輩遺風可以觀法乃不此之效而效彼區
 亦用矣余嘗於邵夢鞠先生所見儲柴墟邵二泉所
 至紙尾署中箋不摺疊不遺幅不逐行欵從首書之
 字也書成卷而封之某拜題日月於上其真率之風
 見其書如見古人之忻慕不能已其真率之風至此
 謂在山川志兵書在軍政志其六書備紀於此夏醴
 謂刺書號事近纖細無關於風俗之傳大農書訟書
 考先正之名論為晚近之良規誠宜家喻而戶曉焉
萬麻丁丑州志阻江瀕海宦蹟罕至民利魚鹽盜希訟
簡士大夫稱爲淮南道院
 邵潛州乘資通俗薦於華靡率多貧作富態其服飾巾
 履上擬王侯豈惟於佩執袴爲然即賈人俗子僮夫豎
 禮雖奢僭者比此以恩義勢在則藉以啖人窺其落則
 禮雖奢僭者比此以恩義勢在則藉以啖人窺其落則

而方以類聚結爲死黨輒操戈而反噬焉通民之桀黠
 者通人稍有事故則羣起而受其禍者輒與副役四五
 俱通人稍有事故則羣起而受其禍者輒與副役四五
 出錢先買人鉅者百金細者亦數十金嗣後利孔漸開
 又錢不啻倍蓰之小不嫌凡御史行部一有瘡惡之舉
 怒而魚肉之或通匿者或竊而推羅自嘉隆時已
 吏造作飛語隱射暗免爰而爲司之權乘是以修其
 隙造作飛語隱射暗免爰而爲司之權乘是以修其
 然通人飛語隱射暗免爰而爲司之權乘是以修其
 錯陳通人飛語隱射暗免爰而爲司之權乘是以修其
 矣其積年朋比爲奸借叢叢不竊之供以樂者無之
 辦莫究其通故或一喜越所駕多端或借官所深惡之
 然莫究其通故或一喜越所駕多端或借官所深惡之
 事誣其牽連久遠或託要官所痛革之事心而後已
 人誣其牽連久遠或託要官所痛革之事心而後已
 堅於守勝不吝請大私刑者幾八州縣所存一寺
 俗下佛淫祠繁興小私刑者幾八州縣所存一寺
 不佞數萬人誠與奸武六年合各髮爲僧止存一寺
 併處其徒者戾矣奸武六年合各髮爲僧止存一寺

亦削髮為僧一為僧後遂能設為積福之說或動羣黎
爭施金粟供養之極人生居處衣食之美童監飲博之
樂甚至藪奸府盜匪操戈而行劫掠焉至於尼僧出人
閨壺嬾或女流尤有不可言者通俗尚鬼喜淫祀每
遇神誕則有市僧起而飲人金錢以迎神賽會極其靡
麗珍寶並陳方物畢具又裝飾諸魘魅蠅蠅之狀游行
衢市易人世於幽冥通俗燕食之盛自豪宗以及賤
隸靡不日遊於茶坊酒舫間挾倡優縱博弈羅山列海
醉月歌花蕩世業先疇於歡場
而弗恤會無唐風蟋蟀之思

國朝揚州府舊志土田饒溢民富而好義人文淳發有江

左風仕者多至貴官顯秩然闐闐繡錯衣食服玩日漸
於紛華士輕俊自喜競媒進而寡恬退抑風氣致然也
康熙甲寅州志通濱江海民貧知義士雅馴無齷齪態
農商愿樸安土樂業而重犯法急公事賦役無逋欠然
性柔脆不任勞苦令適百里非喪三日糧則廢然返

士行先孝弟矜名節躍治者同類恥之無抗糧武斷之
事治經惟毛詩居多論道講學問一見焉古文詩歌代
有專家即繪畫篆隸之類亦各擅其妙四民惟農最
苦負郭之農勞而沃遠鄉之農勞而瘠近海之農瘠而
貧近江之農逸而促無田之農受田於人名為佃戶無
力受田者名為僱工多自食其力畏葸不敢為非
人貿易本土列肆者居多唯質庫鮮土著人凡田
宅買賣糶糶之事多任牙僧官給帖謂之經紀

舊海門縣

明嘉靖丁酉縣志習樸實而負氣性醅直而不阿耕鑿
為生魚鹽為利士讀書而恥奔競之風商為市而無圖
射之巧

國朝順治丙申縣志海俗土削民貧勞而好義日用在豐
儉之間人情居厚薄之半禮尚往來行坐有序燕會讓
齒不讓爵男女別嫌鄉鄰敦睦輸賦無積逋罪以緩贖

恥於受杖盜賊鮮少商賈無假脫之行故家子弟雖寡甚不甘失身輿隸

揚州府舊志民風昔稱淳直近則尚氣而好攻訐然視通州為近質云

乾隆甲戌州志海門興仁鎮值播遷轉徙之餘尚能自食其力家有機杼戶多篝火一手所製若布若帶若巾帨易粟足活三口三手事事則八口無虞

泰興縣

明嘉靖甲午縣志僻在海堧民多樸質俗尚儉嗇以耕桑為業漁稻為利然水土異齊東北多鄙野西南喜訟

萬曆己亥縣志士敦禮讓民服田疇最為近古

國朝揚州府舊志水土沃衍民力耕儉嗇自給家多蓋藏自濱江田歲多坍沒里役苦偏累矣士大夫彬彬固多而矜名尚氣之習時有訟者曲直淆亂或一倡而百和平反者鮮能得其情故泰興自昔為難治也

康熙丙申縣志人性樸直服田力作以織嗇起家不喜牽車服賈游於四方其君子恂恂有禮讓小人食力無咎疏偷惰之習俗尚儉約故其人多殷富士好風雅故聲名文物為最盛市無倚門之婦肆無當壚之女里不朝歌巷不夜游美哉其風猶有上古之遺

如皋縣

明泰州志海陵幽遠地肥美民事耕桑樵漁性多樸野士有文雅之風

嘉靖丙申縣志瀕海控江民多村野徵科易集獄訟簡稀

嚴怡曰泉俗從簡尚質服用室廬止從儉素布衣茅屋以爲常四鄉之人專務農耕水鄉下民或有事漁獵者市中所鬻不過酒漿果蔬豚米麥而已民憚畏法度無自嘉靖癸巳甲午以來耳目漸蕩獄訟大起又以倭夷之變水旱兵凶科差日重案牘日繁盜賊日眾獨不其命而民存者多矣

國朝揚州府舊志土膏沃而俗勤於稼在昔最爲清厚其

後浸淫一變富家巨族競以華侈相高邇或稍懲艾焉康熙癸亥縣志皋水土清淑自胡安定以經學倡率東

南閭巷秀民皆知向學弦誦之風於今爲盛

黃鐘皋邑風土對輶軒大夫馳乎廣陵問遠廬先生曰先生郡人與廣陵之奇風俗奚尚人望奚歸可得聞諸先厥土攸宜物產之曷足爲大陳也鄙人之寓茲土生不暇憶其先也及鄙人之身猶逆旅焉耳會不能宿又何暇悉夫茲土所由名乎然嘗聞之立國而射人宿又東皋片壤出於沮洳蓋春秋子之國而射人夫日之所如夫天地之大而中國之國而射人江淮之間廣陵處一焉廣陵之屬又處一焉其於四海也豈異微塵之在邱山乎旅而邑居也羣而類聚也跳跟喧嘩紛藉藉所謂蛙黽之在坎井者乎窺穴隙之漏明自以爲不異一也據朽壤而博食自以爲有能也鄙人於其中曾不異一也夫曰五方者風之計士俗之善敗論人物之變態乎大夫曰五方者風之

猶十與鮮所老不不非而歲藝充相墟漸之之溺故而譯
東戶波食入死能出干利勁黍澤其莽於書近於觀海也
望而上下焉遂戶行木溢劬與波原海哉向俗民水八
杏九下既足燭賈而蒜乎衣稷之濕焉南願而昭者伊
嗟錢彌餓以其高乎四食麻沃之然經大生先然不減
未漁望其輯所走侈故采郊無菽秋蓄宜土江述之覽幽
若於無膏抑他夫不無瓜農歲灌干圃之饒獨藉穀者
擅淵根亦殖焉饒給善矣徒輕亦絮果蔬稱是於
海麗南鄙爾其南服生重遷矣土之毛虞
利於留之毗其南服生重遷矣土之毛虞
阜不釋未帶江有游者
也稼釋未帶江有游者
轉稼釋未帶江有游者
屬稼釋未帶江有游者
而稼釋未帶江有游者
東稼釋未帶江有游者
放稼釋未帶江有游者
乎稼釋未帶江有游者
浪稼釋未帶江有游者
詩稼釋未帶江有游者

朝

奇麟雲興怪錯霧鬱其漁師所能名巨航所獨出者蓋
細碎焉陸居閑腥仰沫之夫操斧斤窟穴其軀且日伐
歸載而快意焉適者賈船有厲禁歲以十數然後海之
濱得而嬉環海咸咸戚愁嗟夫業而轉徙所處者獨資
人而嬉環海咸咸戚愁嗟夫業而轉徙所處者獨資
鹽而矣夫其融液百虛益場為述宅一邑雖微
準之味淮為顧額焉且戶有虛益場為述宅一邑雖微
廷甍山海之藏亦知變計乎大夫曰魚鹽之利昔人
所侈談也泉牛減於昔邑置矣其何以爲俗先生曰表
裏江淮則廣陵爲都焉冠蓋所遊百貴所通物博而
淫俗侈而漸易故俗尚珍膳飾與服所以鳴得意矣
今日且靡然漸易故俗尚珍膳飾與服所以鳴得意矣
耳目者大抵廣陵之流波尚餘通衢高門遙遙之齋并
之家賈豎特起財溢氣驕開第通衢高門遙遙之齋并
麗姬侍妖韶兒厭膏梁僮僕餘綺綺高門遙遙之齋并
繪組綺而駢登子厭膏梁僮僕餘綺綺高門遙遙之齋并
聲樂不移而陳鏗方闕然以爲未足娛賓也於是家蓄
夜歌吹涕騰遠邇四徹意亂而魂驚乃或旅於泉靜
裝晨征日不圖爲邑之至斯亦風會之適然而眠風

昔區別矣夫曰夫俗欲儉則思義侈則思淫况舉
 之財多為光榮不足與計事士大夫為人甚信鬼而
 顧豈無所計者浮屠老之子屬列屋曰皋之人望長
 崇而所祠者百屠之老之子屬列屋曰皋之人望長
 其徒而為尊計者百屠之老之子屬列屋曰皋之人望長
 者特為中則彩像皆遠宇迴廊傑閣飛軒必存於中
 青雲其中則彩像皆遠宇迴廊傑閣飛軒必存於中
 如此者蓋十餘區其修飾之聲聞者蓋半於此
 晨嚴唄誦夜女瞻拜輦載幣聞者蓋半於此
 神施之佳日而為之戒將於家而施者蓋半於此
 之教日修而為之戒將於家而施者蓋半於此
 徵與他之靡費以徒飽飲而優游此亦敬鬼神之
 城不之談敬鬼神之宅其半之乃使參錯於居人
 無所措足也夫財耗於宅其半之乃使參錯於居人
 愈吾聞之甚也夫財耗於宅其半之乃使參錯於居人
 民妖惑之甚也夫財耗於宅其半之乃使參錯於居人
 煜煜殷殷是其在革命以窮乎光榮終身無或踰涯
 也農樸以涸土廉以馴則暴桀者抱葉終身無或踰涯
 溢分而馳慕乎簪紳今則暴桀者抱葉終身無或踰涯

經者擯窮筭握算者踞廣路意得氣揚貴財灌注於是
 祿秩彈指而可得章服移時而即具計舉之入貴者
 載紛紜足瞻三萬之軍拜命承寵綬垂紳者半於
 闖能測其奮飛騰躍變現呼噪者乎徒觀其行綴者
 孰能測其奮飛騰躍變現呼噪者乎徒觀其行綴者
 僕能測其奮飛騰躍變現呼噪者乎徒觀其行綴者
 驚奇絕莫不抵掌於途而自令蹙蹙焉此則豪不
 奇贏收爵秩鼓行於途而自令蹙蹙焉此則豪不
 日先而多財之污何言之穢僕不嘗過都而復相
 腐鼠乎以何識之與言爭疾驅而過之奈何復相
 是且夫握算而矜榮是攘奪固多狡獪也計賞而
 朝廷方厲世磨鈍豈樂有此哉殆先生之談者過
 固不願也先生曰俗競財雄志士自深潛物情方
 變靜者無寒炎於是俗競財雄志士自深潛物情方
 吐納百兩則解風繼離垢氛祛嗜慾凝精服古味道
 絡羣言宏六儆詭其書藏名山其跡墨間作宮商迭
 緒論乃以賢良數子榮名落若晨星之輝况於山
 時者希彼賢良數子榮名落若晨星之輝况於山

聖驅除
 見危授命世固有志於舉得三焉既食其祿君死臣辱
 則忠節大夫也抗志首山比於三賢者其致命同也然
 或以公就義或以招尤或組豆於久或斬艾爾後豈蹈
 固殊論之敢定知是木夫避席敏容喟然歎曰義
 夫同哉夫論之取而何勁節夫落而識長松舉世風靡
 士乃見雖過涉則凶何可告矣是故士以義為歸地以
 人為基之立者三基厚矣雖然於天下可也豈
 直一郡哉吾聞之先有安定先生焉涵濡於道德所
 由來者尚矣乃今得聞教而北馳
 簡操筆從而書之迴轅而馳
 附方言

固藏也蓋揭苦蓋之軀躄也長大儻美而羸竿不謹
 欣也哇魁病孕婦子打噓咽誣口吃豚也老健硬監強力
 純也紫閃盲藏小兒迷腫髮黏哲垢汰也脫曉深目眼眇
 目也疑也儻口張踰折腰踢蹴躡物困也燈燈兒學躡
 汁也痛移後也必也轉也拍也刺也擗也束也指也擗也
 拳使也鋸也取也截也揆也輕擊也推擊也擗也擗也
 力也攢也緊也管也見也舌取也摩也擊也推擊也擗也
 也拉也攢也足也管也見也舌取也摩也擊也推擊也擗也
 也殼也滿也頭面也飾也脚也山頭也旁也了頭也篋片
 人者也胖也肥也調羹也筵也蠶也虹也噴也
 也言也歎也面也誓也悲也狀也虻也笑也馬也
 多也之也歎也面也誓也悲也狀也虻也笑也馬也
 周捉也整也登也圖也完也簾也蘆蓆也廐子也酒帘也
 通州直隸州志 卷一 疆域志 風氣 三

通州直隸州志 卷一
也晒曝衣物也打耳擦子私語也一作說唧唧話

都里

朝歌勝母昔賢迴轍設有發聞其間者卽貪泉穢里猶將撤舊名而更字之鄉聚萬落皆吾輔車其於睦嫻任郵之風不能無少望云

通州

州轄六鄉鄉轄四十二都都轄八十三里在城二十二

里凡一百有五里在城東南西南三廂編里二十有二

永興鄉十五都編里十有八北西成鄉七都編里十

編里十有六東北六場

鄉七都編里二十有二東南文安鄉四都

舊制一人任里中事長一人任里中事

國朝雍正十二年裁革里甲改爲版圖都鄙舊數遂廢乾隆十年巡撫陳大受以現年實徵冊爲根令糧戶自填

田畝坐落挨順東西南北編定隅都知州董權文遵定六鄉刊石立碑著為令

南十里曰合興鎮十八里曰狼山鄉

西南十里曰姚港鎮曰任港鎮十四里曰雙橋鎮二十

里曰復興鎮四十里曰安樂橋

西北十里曰歐家坊十五里曰唐家舖十八里曰運河

口二十三里曰五里樹曰黃堰灣三十里曰陳家橋曰

文家園曰花家廟曰平潮鎮四十里曰四十里鎮曰唐

豎港曰房家庵曰趙家店四十五里曰便力廟四十六

里曰任家口五十里曰銀杏堰曰姜家園六十里曰白

蒲鎮

東北三里曰黃泥口七里曰秦窰十二里曰許家環十

五里曰丁澗店曰橫港二十二里曰關家庵三十里曰

四安鎮即陳家酒店曰戴家灣曰嚴家園曰劉橋鎮四十里

曰江家口六十里曰石港場

東十里曰收兵路十五里曰興仁鎮三十里曰鎮場曰

三姓街曰西亭場四十五里曰金沙場五十里曰金餘

鎮六十里曰餘西場八十里曰四甲鎮九十里曰富安

鎮百餘里曰餘東場百二十里曰歇御港百四十里曰江

場即六甲鎮百六十里曰呂四場

東南五里曰六洪牖十里曰韓湘壩曰東十里坊十五

里曰觀音山二十里曰三圩鎮二十四里曰永安鎮二

十五里曰小海鎮三十里曰悅興鎮曰姜窰港曰大圩

鎮三十二里曰竹行鎮三十五里曰張芝山鎮四十五里曰川港鎮五十五里曰通海鎮

舊海門縣

舊轄百二十里遷治禮安鄉存三十七里三遷金沙場

存十有四里割借通州青幹鄉六里金沙一里凡二十

有一里在市二里 禮安鄉一里 崇信鄉一里 陳

霸莊一里 仁和鄉一里 嘉會都二里 智

正都五里 呂四場一里 俱併九州

泰興縣

縣轄四鄉鄉轄二十一都都轄一百六里在城七里凡

一百十有三里在城東南隅西北隅西南隅新隅中隅

九都編里三十有五 西南順德鄉六都編里四十有

三 保全鄉三都編里十有四 依仁鄉三都編里十

有四

舊編一百八里明宣德宏治中增至百十三里隆慶元年知縣許希孟丈存一百八里萬曆九年知縣高桂擬併為八十里

國朝雍正十三年裁革里甲舊數遂廢

東二里曰朱吳家堡十五里曰三楊莊二十里曰石梅

莊即失四十里曰黃橋鎮六十里曰雁陵莊曰分界莊

曰官塚七十里曰古溪莊

東北十五里曰蕭萬莊三十里曰鞠葉莊四十里曰白

茅塚六十里曰原塚曰倪許莊

東南二十里曰毘盧市三十里曰印莊四十里曰路莊

曰廣陵鎮五十里曰季家市六十里曰八戶莊

西二里曰于家堡三里曰張姚家堡十五里曰凌家埠

二十五里曰三汶鎮三十里曰蔣家堡曰殷家堡

西北十里曰頓汶二十里曰王楊莊曰馬店鎮曰李家

集三十里曰嘶馬鎮

西南二十里曰馬橋鎮二十五里曰西官莊三十里曰

孫家段

北五里曰蔣家堡曰井坐十里曰里仁莊十五里曰蘇

坐二十里曰散迷莊二十五里曰許家堡三十里曰封

家集三十五里曰戴家集四十里曰口岸鎮曰遷善鋪

即刁家鋪四十五里曰宣家堡

如皋縣縣轄四鄉鄉轄十六都都轄三十二里在城四里竈戶

六里凡四十有二里在城東西南北四廂編里四南

四都編里七北赤岸鄉四都編里七東

沿海鄉四都編里九竈戶二都編里六

東十五里曰湯家灣二十里曰東陳鎮曰葛堰曰桃塢

潭三十里曰十竈曰車凌口曰蔣婆鋪四十里曰丁堰

五十里曰石家甸六十里曰雙甸曰岔河九十里曰元

興鎮即曹橋曰顧家環百里曰豐利場曰馬塘場百三十

里曰掘港曰南北坎

東南十五里曰冒家莊三十里曰庵頭曰曹家堡曰木

杓口五十里曰南豐莊曰林梓鎮七十里曰龍舌口曰

郭家園曰白蒲鎮

南十里曰胡家莊曰劉馬莊十五里曰賈堡二十里曰

郭家舍二十五里曰官莊曰張莊曰蔣家莊曰宋家莊
三十里曰下駕原曰三陳埭曰高家莊曰沙新莊五十
里曰羌竈曰塢區坦曰車馬湖曰泛湖洲六十里曰柳
家埭曰沈家店曰鶯坎曰石莊鎮

西南二十五里曰官制頭三十里曰張家莊三十五里
曰土山頭四十五里曰高明莊五十里曰楊鮑莊七十
里曰唐家堡

西五里曰郎家莊七里曰何家堡十里曰邵家莊十五
里曰鞠家莊二十里曰謝家店三十里曰韓莊曰加力
莊曰窩莊三十六里曰朱家莊曰夏家埭五十里曰盧
家莊曰燕莊

西北八里曰水竹園十二里曰邱家埭十五里曰迓家
莊二十里曰鞠家舍曰鮮魚莊二十五里曰南埭三十
五里曰劉家塚曰景家塚七十里曰西沙塚
北三里曰龔家莊八里曰八里莊十三里曰柴灣二十
里曰孫公鋪曰高岡口曰夏家莊曰紀家莊二十五里
曰古河頭三十里曰陳家溪三十五里曰陸家淺曰丁
家所曰西場四十里曰立發口
東北十三里曰何彭莊四十五里曰李家堡曰吳家堰

東門大街北山門街半條街南門大街望仙橋街高墩
 子街西門大街端平橋西街河東大街河西大街鹽倉
 米市南巷布市花市三濠河側草市
 州治南十字街東街南街西街州後大街寺街官地街
 市南門魚市西門果市菜市木市甄瓦市端平橋河東
 州治南平政橋魚市西街估衣市東門豬市北河稍米
 市南門魚市西門果市菜市木市甄瓦市端平橋河東
 米市南巷布市花市三濠河側草市
 州治南十字街東街南街西街州後大街寺街官地街
 東門大街北山門街半條街南門大街望仙橋街高墩
 子街西門大街端平橋西街河東大街河西大街鹽倉

市巷

千乘百乘中國而市王者命市納賈觀民好惡而人以
 攸資貨以攸敘君子於此察盈虛焉連棟接屋羅居百
 族比年以來江表無斯蕃廛也

通州

州治南平政橋魚市西街估衣市東門豬市北河稍米
 市南門魚市西門果市菜市木市甄瓦市端平橋河東
 米市南巷布市花市三濠河側草市
 州治南十字街東街南街西街州後大街寺街官地街
 東門大街北山門街半條街南門大街望仙橋街高墩
 子街西門大街端平橋西街河東大街河西大街鹽倉

插街

州治西南馮家大巷小巷西關廟巷古城隍廟巷柳家巷西牛肉巷掌印巷南關廟巷東南東牛肉巷倉巷大保家巷小保家巷文武巷歌腔巷東北鷹揚巷錦繡巷蔣家巷西北天甯寺巷鄭家巷東門堂子巷陀子巷獅子巷宋家巷湯家巷油榨巷南門三官殿巷羅家巷西寺巷馬家巷邱家巷獺貓巷嶽廟巷東寺巷曹家巷西門木排巷蔡家巷彭家巷祭壇巷馬厰巷草積巷汪家巷丁家巷竹排巷南巷將軍巷

舊海門縣

縣治南平政街文明街東青雲街道脈街西豐甯街阜

民街北西清街祐善街並廢

縣治東李家巷思樂巷南史家巷崔家巷西應宿巷旋驄巷北通聖巷絃歌巷並廢

泰興縣

縣治西米市竹市木市南門米市三汊木市黃橋鎮豬市

縣治南縣前街十字街朱雀街東朝陽街儒林街孝里街西鎮安街義甯街大西門街廟街濟川街迎恩街泰定街唐家灣街小西門街大忠街泰安街文明街北通濟街

縣治東倉巷隆興巷陽春巷青雲巷南司家巷攀桂巷

慶雲巷里仁巷伏家巷西養濟巷文明巷泰甯巷銀錠巷草巷惠安巷新安巷焦家巷北豬巷市口巷包家巷嚴家巷

如皋縣

縣治西米市豬市南魚市北草市

縣治南大中街南大街東大街西大街北大街狀元街

德義街錦繡街集賢街東雲路街西雲路街

縣治東通城巷盲家巷觀風巷段家巷漏春巷王家巷

曹家巷許家巷邵家巷宋家巷秀才巷劉家巷余家巷

都天巷老篋機巷常平巷南安定巷蘇家巷石家長巷

寺巷沈家巷吳家巷染坊巷烟店巷八字巷高家巷白

果巷將官巷當舖巷西青雲巷百歲巷盈家巷朱衣巷
太平巷卞家巷李家巷業成巷繆家巷江家巷吳家巷
北甘蔗巷倉巷觀巷惠政巷篋機巷霞山巷丁家巷宗
家巷史家巷南門楊樹巷西門鐵匠巷北門堂子巷
附坊表

通州

利市坊州治南宣化坊州治北利民坊近民坊仁義坊信禮

坊州治東惠民坊依蓮坊武定坊州治西南武安坊右文坊永

平坊州治西北惠和坊瑞應坊旌孝坊靖行坊州城南遷鶯坊

州城東利豐坊賢惠坊州城西以

泮宮坊儒學前舊龍翔坊鳳翥坊儒學左右正已率屬坊教

士養民坊州署左澄清海甸坊保障江藩坊總鎮署左激濁

揚清坊察院前江北第一關坊狼山演武場口今

錦繡坊州治東北玉帶坊州治西南重榮坊州治南

安父永方岳坊中丞坊並州城西天官坊州城南光祿

坊為李鴻臚坊州治東京兆坊司空坊廷尉坊司徒

坊天恩存問坊並州治南柱史坊方伯坊並州治南錢嶧坊州治南大司

贈御史坊錢錄父都憲坊司寇坊並州治南豸繡坊州治

完南為陳兩臺風紀坊州城西方伯坊袁州治西大司

寇坊大司馬坊並州治南大岡卿坊州治西以上官

職坊

叢桂坊州治東南五桂坊州治東南福顧祥建登

雲坊州治西興賢坊州治南步蟾坊州治東南

瀛坊州治南凌雲坊州治西擢魁坊州治西繼

芳坊州治南冠英坊州治南鳴鳳坊州治南

鸚薦坊州治東鍾英坊州治南鴻達坊州治南

進士坊州治西南宮接萼坊州治西

文魁坊州治西金榜聯芳坊州治西

建玉堂獨步坊州治西父子兄弟進士坊州治西榜眼坊州治西

建探花坊州治西狀元坊州治西長齡坊州治西映

建五子登科坊州治西百歲坊州治西映

義民坊州治西百歲坊州治西映

智建一州北為張遂生妻范氏建一呂四場為朱義生妻李

氏五世同堂坊建一平潮鎮為馬沅妻鄒氏貞節坊凡節婦貞

女均奉例各建一坊道光時始改總坊彙錄姓氏其上

通而奉旌表者咸在村間虛墓者不能詳也茲錄其可考

者州西南為孫楚白妻黃氏孫詡妻馬氏孫國勳妻姚

崔氏仁源妻劉氏江承正妻陳氏保州東聘妻陳氏建州

范氏建州西北為孫錕妾陳氏孫鳴梧州聘妻陳氏建州

城西為陳遂妻李氏王先妻於氏建州聘妻陳氏建州

妻楊氏建州東為陳淑妻潘氏建州聘妻陳氏建州

鄒氏戴家灣為秦又思妻潘氏建州聘妻陳氏建州

氏願臨秋烈婦坊州城西為孫烈婦陳

妻吳氏建烈婦坊州城西為孫烈婦陳

舊海門縣

青雲坊騰蛟坊起鳳坊儒學福國祐民坊邑廟西坊並

廢

五桂三豸坊為李永常李周李宗伯坊為崔桐建

奪魁坊為袁懋登瀛坊為葉思清顯坊為李永經魁坊

為李登俊坊為潘奎光坊鳳鳴坊為張接武坊

梁步雲衢坊為姜文魁坊周建進士坊為尹性忠陳

李夢周建解元坊探花坊為崔桐建今移建州

泰興縣

朝陽坊縣治樂善坊慶延坊縣治善化坊忠愛坊通江

坊縣治西坊以

天池鯤化坊儒學興賢坊育才坊儒學至德遺封坊延

合古治坊縣治循規蹈矩坊型仁講讓坊縣治澄清坊

宣化坊縣治四牌坊縣治家宰坊縣治晷善坊

尚書坊縣治家宰坊縣治晷善坊

晷善坊縣治晷善坊

晷善坊縣治晷善坊

晷善坊縣治晷善坊

晷善坊縣治晷善坊

晷善坊縣治晷善坊

張振承恩坊縣治西為毓秀坊文翰坊儒學西為雙

張學西為張三鳳坊儒學西為張羽張聽少卿坊縣治東為大司馬坊儒學東為

張聽少卿坊縣治東為雙桂坊縣治南為攀桂坊縣治南為

攀桂坊縣治南為登瀛坊縣治西為雙桂坊縣治南為

寶興坊縣治南為登雲坊縣治西為攀蟾坊縣治南為

登科坊縣治南為進士坊縣治西為狀元坊縣治南為

孝里坊縣治東為恩光坊縣治南為尚義坊縣治西為

為黃橋鎮節孝坊縣治南為張育隆建尚義坊縣治西為

張縣治西為劉郁春妻楊氏劉名高妻何氏李嵩齡妻

張氏建太平鄉為顧世卿妻焦氏建蝦蟆圩為耿廷楠

氏建貞孝坊縣治南為張白雲聘妻李慶宜聘妻朱氏建縣

城北為葉鐵保烈女坊為朱官聘貞節總坊縣治東為

如皋縣

宣化坊安業坊崇儒坊縣治南平泰坊縣治北文亨坊清泰

坊縣治西平易坊阜民坊縣治東育真才坊崇正學坊儒學左右

儒林坊太和元氣坊儒學前育真才坊崇正學坊儒學左右

翰林吉士坊為孫應三世二品坊為蘇天朝儀鳳坊為

恩榮坊為冒鸞冒政天官風憲坊為冒

狀元坊為王俊五桂坊縣治東為張真王翦青雲坊縣

直隸州志

西為鄧凌雲坊為王文魁坊為許登俊坊為

肅建光振坊為宋奇英坊為馬世科坊為孫叢桂坊為

文昌為光振坊為宋奇英坊為馬世科坊為孫叢桂坊為

為馬以上科名坊為宋奇英坊為馬世科坊為孫叢桂坊為

孝子坊為縣百歲坊為石節孝坊為許

義民坊為盧百歲坊為石節孝坊為許

氏建一縣治西為瞿大綸妻章氏為王真節坊為張

天錫妻許氏為日文妻沈氏為羅生妻趙氏為羅武述妻為

張氏黃奉田妻吳氏為陳一縣城北奈家橋為范全智妻為

沈氏書建白沈氏為鎮鶴翔妻吳氏為崔氏為貞節總坊為

子麟書建白沈氏為鎮鶴翔妻吳氏為崔氏為貞節總坊為

光二書建白沈氏為鎮鶴翔妻吳氏為崔氏為貞節總坊為

各婦女建九年為以上恩例坊為

